



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

82

S-98

Ապրիլ
20/4/98

1147

Գրքագրություն
Կարգադրություն

Քիջու
1891.

82-7

5-98

ՄԱՐԿ ՏՈՒԿՆ

ԶԻԱՐՃԱԼԻ ՊԱՏՄԻԱԾՔՆԵՐ

(Արտատպում «ՄՈՒՐՃ» տնտեսական)

Թ Ի Յ Լ Ի Ս
ՏՊԱԸՆ Մ. Գ. ՌՕՏԵԼԱՆՅԻ
1891

Дозв. ценз. Тифлисъ. 11 Января 1891, г.

Типогр. М. Д. Ротиніанца, на Голов. пр. соб. д. № 41.

Մարկ Տուէնը—ամերիկական կատակարան է: Նա սիրւած հեղինակ է իւր երկրում և արգանք է վաչելում Եւրոպայում: Նորա զրւածքները թարգմանւած են եւրոպական լեզուներով:

2003

ԱՍՈՒՍԻՆՆԵՐԻ ՎՐԴՈՎՍՈՒՆՔԸ ԲՎԱՑԱԽԻ
ՊԱՏՃԱՌՈՎ

(Պատմել է Հեղինակին Նիւ-Նորքի քաղաքացի Մակ Ռ. Էլեանը,
որին Հեղինակը պատահել է երկաթուղու կառքում):

Պատմածս թերաբերում է, այսպէս սկսեց Ուիլիամսը, այն ժամանակին, երբ կրուպ անւանւած սարսափելի և անբուժելի բկացաւը տարածւած էր մեր քաղաքումը և ահ էր զցել բոլոր մայրերի վերայ: Այդ ժամանակն էր, որ ես իմ կնոջ ուշադրութիւնը հրաւիրելով մեր փոքր աղջիկ Նելլու վերայ ասացի.

— Ես, հոգեակս, եթէ քո տեղ լինէի, թոյլ չէի տալ, որ երեխան կրճի այս սոճի ճիւղտը:

— Էհ, ի՞նչ վնաս ունի, սիրելիս, պատասխանեց կինս և միևնոյն ժամանակը պատրաստեց պաշտպանելու երեխայի արածը, որովհետև կանայքը չեն կարող առանց հակառակելու ամենայն խորհուրդն անգամ ընդունել: Իմ խօսքը պսակւած կանանց մասին է:

— Բոլորը գիտեն, նկատեցի ես կնոջս, որ սոճին ամենից անսննդարար ծառն է, որ կրճում է երեխան:

Կինս, որ ձեռքը տարել էր ճիպոտը առնելու, չետ քաշեց իւր ձեռքը: Լաւ երևում էր, որ տիկինս ներքուստ կուռում է և վերջապէս ասաց.

— Դու, ի հարկէ, սիրելիս, այդ բանը աւելի լաւ իմանում կը լինես, կամ գոնէ երևակայում ես, որ գիտես Բայց բոլոր բժիշկները ասում են, որ սոճի ծառի մէջ եղած հիւթը, տերպենտինը, շատ օգտակար է այն երեխաներին, որոնց մէջքը և երիկամունքը թոյլ են կազմւած:

— Հա՛, եթէ այդպէս է, ես սխալ եմ: Դէ՛ ես չը գիտէի, որ Նելլու երիկամունքը և ողնաշարը փասուած են և որ բժիշկը խորհուրդ է տւել...

— Ո՞վ ասաց, թէ աղջկանս մէջքը և երիկամունքը փասուած են:

— Միթէ՞, հոգեա՛կս, այս բոպէին դո՛ւ չէի՞ր ակնարկութիւն անողը:

— Ի՞նչ ես բաներ հնարում: Ես այդ տեսակ ոչ մի ակնարկութիւն չեմ արել:

— Ինչպէ՞ս, աղաւնեակս Դեռ երկու բոպէ էլ չի անցել, որ դու ասացիր թէ...

— Փիլիսոփայութիւններ մի անիլ, խնդրեմ: Ես ի՞նչ գիտեմ, ինչ ասացի: Աղջկաց ճիպոտ կրծիւոց ոչ մի փնաս չի կարող պատահել. այդ ինքդ էլ լաւ գիտես դու: Թող կրծի իրան համար. ի՞նչ ես ուզում:

— Բաւական է, հոգեակս, ես այժմ հասկացայ քո կարծիքը այդ բանի մասին և կը գնամ կը կարգադրեմ, որ հէնց այսօր Նելլու համար պատրաստեն

երկու կամ երեք սալ լաւ սոճի փայտ: Իմ երեխան չը պէտք է պակասութիւն զգայ, թէ ինչ է, ես...

— Ո՛ւհ, գնաս մէկ դու քո գործիդ և ինձ հանգիստ թողնես: Կինդ մի խօսք չը պէտք է ասի, որ դու չը բռնես նորանից: Եւ չետոյ կը վիճես-կը վիճես, մինչև որ ինքդ էլ չես իմանալ, թէ ինչից սկսեց բոլոր խօսակցութիւնը:

— Լաւ, քո ասածը լինի. բայց ախր հետևողութիւն չկայ քո տյն վերջին նկատողութեան մէջ, որով...

Բայց իմ անկոտրում կինը դեռ չ'վերջացած խօսքիցս բռնկեց և դուրս վազեց, հետը տանելով և աղջկաս:

Երեկոցեան, սեղանի վերայ նորից տեսայ կնոջս, բայց սարսափած, սփրտնած; պատից աւելի սպիտակած երեսով:

— Գիտե՞ս ինչ, ա՛ մարդ, շտապեց նա ասելու, դարձեալ մի զոհ: Փոքրիկ Գէորդը հիւանդացել է:

— Զը լինի՞ կրուպով:

— Այո կրուպով:

— Բայց մի՞թէ փրկելու յոյս չը կայ:

— Ոչ մի. Տէր ամենակալ, ի՞նչ պէտք է լինի մեր վիճակը:

Այդ ժամանակ դայեակը բերաւ Նելլուն բարի գիշեր ասելու և մօր ետեից գիշերաց աղօթքը կրկնելու: Աղօթքի ժամանակ ինչպէս եղաւ՝ երեխան հազաց. Կինս սարսափեց և երեսի վերայ վաչը

ընկաւ, կարծես կայծակահար եղած: Բայց շուտով ոտքի թռաւ՝ երկիւղից առաջացած հոգսերին նւիրելու:

Նա հրամայեց Նեղլու մահճակալը մանկասեանեակից հեռացնել մեր ննջարանը և գնաց ստուգելու հրամանի կատարումը: Ինձ էլ քաշ տւեց իւր հետը:

Մեծ արագութեամբ ամեն բան կարգադրւած էր: Կնոջս առանձնարանում դրւած էր մահճակալ դայեակի համար: Բայց կինս յանկարծ մտաբերեց, որ այտեղ մենք շատ հեռացած կը լինենք միւս երեխայից և դժւար վիճակի մէջ կը լինենք, եթէ ցաւեր սկսեն նորանում: Խեղճ կին-արմատս սարսափից կրկին դունտուեց:

Այն ժամանակ երեխայի և դայեակի մահճակալները տեղաւորեցինք հարեան սենեակում:

Հագիւ գործը վերջացրել էինք, կինս մտաբերեց, որ Նեղլին կարող է Գէորգից վարակել: Այդ նոր ծագած կասկածը այնպէս վրդովեցրեց նորան, որ մենք չը գիտէինք՝ էլ ինչպէս նորան հանգրստացնենք: Աներեակայելի արագութեամբ դուրս հանեցինք մահճակալները մանկասենեակից: Կինս այնպէս կատաղի կերպով շտապում էր, որ քիչ մնաց ջարդուփշուր անի Նեղլու մահճակալը:

Մենք իջանք ստորին յարկը, բայց այնտեղ դայեակի համար չը կարողացանք տեղ յարմարեցնել, մինչդեռ կինս մեծ յոյս էր դրել դայեակի փորձա-

ուութեան վերայ: Ստիպւած՝ մենք կրկին տարանք բոլոր իրեղէնները մեր ննջարանը և վերջապէս փութորիկից ցրիւ եկած և նորից բունը գաած թռչունների նման՝ ուրախացանք, երբ կարգադրութիւններս իրագործեցինք:

Կինս անհամբեր վազեց մանկասենեակը տեսնելու՝ ինչ է այնտեղ կատարում: Բայց շատ շուտ դարձաւ նոր սարսափով և հարցրեց ինձանից:

— Սա ի՞նչ է նշանակում, փոքրիկը ձիգ քնում է:

— Հոգեա՛կս, դու լաւ գիտես, որ մեր փոքրիկը միշտ լաւ է քնում:

— Գիտեմ, գիտեմ: Բայց այժմ՝ նա ուրիշ կերպ է քնած: Նա կարծես... կարծես... Այնպէս հանգիստ չունչ է քաշում... Տէր Աստուած, ես վախեցնում եմ...

— Ի՛է՛ հոգեակս, նա միշտ հանգիստ է քնում:

— Ա՛խ, այդ գիտեմ: Բայց հիմի այդ բանը ինձ կարծես վախեցնում է: Նորան հսկող աղջիկը շատ է ջահիլ ու անփորձ: Մարիամին ուղարկենք նորա մօտ. ո՞վ գիտէ, ինչ կարող է պատահել այնտեղ:

— Այդ ասենք՝ լաւ ես մտածել: Բայց քեզ ո՞վ պէտք է օգնի, հարցրի ես:

— Այ, դու կարող ես ամեն բանում ինձ օգնել: Այսպէս սարսափելի ժամանակ ես ոչ ոքի ինքնուրոյն գործ չեմ հաւատար. ինքս պէտք է անեմ:

Ես կնոջս պատասխանեցի, որ ես անվայել կը համարեմ պառկել և քնել—նորա վզին գցելով մեր հիւանդ երեխայի խնամելը և հոգատարութիւնը ամ-

բողջ տանջալի գիշերը: Բայց կինս ինձ հանգստաց-
րեց: Պառաւ Մարիամը գնաց առաջնայ պէս մանկա-
սենեակում մնալու:

Նելլին քնի մէջ երկու անգամ հաղաց:

— Ա՛խ, ի՞նչ եղաւ բժիշկը: Ա՛ մա՛րդ, սենեակումը
շատ շոք է, անտանելի է: Փակիր վառարանի պահակը:
Կատարեցի պատէրը. բայց նայելով ջերմաչա-
փին, որ ցոյց էր տալիս միայն 16⁰, զարմացայ թէ
ինչու է այդ աստիճանը շատ երեւացել հիւանդ երե-
խայի համար:

Այդ ժամանակ կառապանը քաղաքի հեռու
ծայրից տուն դարձաւ, լուր բերելով, որ մեր բժիշկը
ինքը հիւանդ է և պառկած է անկողնում: Կինս նա-
չեց ինձ վերայ մոլոր հայեացքով և յուսահատ ձայ-
նով ասաց.

— Ես այստեղ ճակատագիրս եմ տեսնում: Երևի
մեզ այդպէս է վիճակւած: Նա առաջ երբէք, երբէք
հիւանդ չէր լինում: Երևի Աստուծու օրէնքի դէմ
ենք ապրել, ահա որտեղ է բանը: Քանի հազար
անգամ քեզ ասել եմ այդ մասին: Այժմ պտուղները
տեսնում ես: Մեր երեխան էլ չի առողջանալ: Երանի
քեզ, որ այս դասը դու չես զգում: Իսկ ես ինքս
ինձ չեմ ներկէ երբէք.

Ձը ցանկանալով ի հարկէ կնոջս վիրաւորելու և
միայն անզգու թիւնիցս ես պատասխանեցի, որ ես
երբէք չեմ էլ մտածել, թէ մենք անագնիւ, անբա-
րոյսական կեանք ենք վարել:

— Ա՛ մարդ, ուզո՞ւմ ես այժմ էլ Աստուծու բար-
կութիւնը երեխիս գլխին թափես:

Կինս սկսեց լալ և յանկարծ բացականչեց:

— Բժիշկը գոնեա ղեղեր ուղարկէ՛ր:

Ես պատասխանեցի՝

— Ի հարկէ: Ահա ղեղերը: Ես սպասում էի չար-
մար բոպէի, որ քեզ հաղորդեն:

— Իէ, որ այդպէս է, տուր այստեղ շուտով,
դէհա: Թէ չե՞ս հասկանում, որ ամեն մի վայրկեանը
թանգ է: Ի՞նչ եմ ասում. ի՞նչ եմ անում ղեղերը,
երբ բժշկի ասելով՝ այս հիւանդութիւնը անբու-
ժելի է:

Ես պատասխանեցի, որ քանի որ երեխան կեն-
դանի է, յոյսներս չը պէտք է կորենք:

— Յոյսնե՞րս, ճշաց կինս, հասկանում ես ի՞նչ
ես խօսում, չ՛ճնած երեխայի շափ էլ... Սա ի՞նչ է
նշանակում, ղեղ-ստոմանակի վերայ գրած է «ժամը մի
անգամ մի թէյ գդալ»: Ժամը՞ մի անգամ Կարծես
թէ երեխայի կեանքը փրկելու համար մի տարի ժա-
մանակ ունենք: Օհ, շտապի՛ր, ա մարդ, ղեղը բաց
արա: Իու մի հացի գդալ ածա. դէհա, շուտ արա:

— Բայց, սիրելիս, յանկարծ հացի գդալից...

— Հոգիս մի հանիլ, Աստուած սիրես՝ մէկ է...

Ա՛ռ, ա՛ռ, ընդունիր այս ղեղը, իմ սիրունիկս, իմ
քաղցրիկս, մի քիչ դառն կը լինի, բայց յետոյ Նել-
լիս, մայրիկի աղջիկը, կ'առողջանայ: Այ, այդպէս,
այ, այ: Ապրես: Իէ հիմի գլուխդ դիր մայրիկի կրծ-

քին և քնիր, աչքերդ փակիր, փակիր, սիրունիկս...
Մհ, ես գիտեմ, նա մինչև էգուց չի ապրիլ: Գիտես
ինչ (դարձաւ նա ինձ). ե՛կ դեղը տանք հացի գդալով
ամեն մի կէս ժամից յետոյ: Թէ ասում եմ, երեխային
մի քիչ էլ բելադոն տանք, օկոնիտ տանք, կ'օգնեն:
Գնաս, ա՛ մարդ, բերես: Բայց սպասիր, լաւ կը լինի՝
ես ինքս գնամ: Գու աչսպէս բաների գլուխ չ'ունես:

Նուառով գորանից յետոյ մենք պառկեցինք քնե-
լու՝ երեխայի մահճակալը մօտիկացնելով կնոջս բար-
ձին: Այս տար ու բերը ինձ լաւ յօգնեցրեց, այնպէս
որ հազիւ պառկեցի՝ քունս սաստիկ տարաւ: Բայց
կինս զարթեցրեց:

— Սիրելի՛ս, ասաց նա, վառարանի պահակը հօ
բաց չի՞:

— Ոչ:

— Ես էլ այդպէս էի կարծում: Վերկաց, մէկ բաց ք
արա՛. սենեակումը ինչ որ շատ է ցուրտ:

Ես կատարեցի նորա խնդիրքը և կրկին քնեցի:
բայց մի քանի ժամանակից յետոյ՝ կինս ինձ նորից
զարթնեցրեց.

— Որ երեխայի մահճակալը քո անկողնին մօ-
տեցնես, լաւ կ'անես. վառարանին մօտ կը լինի երե-
խան՝ կը տաքանայ:

Ես ուզում էի մահճակալը տեղափոխել, բայց
ոտքս զիպաւ գորգին և երեխան զարթնեց: Կինս
սկսեց նորան քնացնել, իսկ ես մնջացի: Կարճ ժա-
մանակից յետոյ լսեցի կնոջս շշուշալը:

— Սիրելիս, սագի ճրագու է հարկաւոր, մենք
ունենք, բայց պէտք է բերող լինի: Զանգը տուր,
աղախինը գայ:

Քնաթաթախ վերկացայ և յանկարծ կոխ տւի
կատուին, որ սաստիկ ծիչ հանեց: Ես քացով տւի
նորան, բայց ոտքս զիպաւ բազկաթռոխ:

— Ա՛ մարդ, ի՞նչու ես լուսաւորում սենեակը.
գիտես, որ երեխան կարող է զարթնել:

— Մէկ չը տեսնե՞մ, ո՞ր տեղս եմ ջարդել կամ
վիրաւորե՞լ:

— Դէ որ այդպէս է, հէնց բազկաթռոն էլ նա-
խի՛ր... կոտրած է լինելու անպատճառ: Խե՛ղճ կա-
տու. եթէ քացիդ նորան հասած լինէր...

— Կատուի դարդը մէկ թող է՛: Այս բաները տեղի
չէին ունենալ. եթէ դու Մարիամին այստեղ պահած
լինէիր, որ նա ինքը կատարէր այս նորան միայն վե-
րաբերելի գործերը:

— Ամօ՛թ քեզ, դեռ տղամարդ ես. ես կարծում
էի, դու կը քաշես այդպիսի բաներ ասել: Ես վրդով-
ւում եմ, երբ լսում եմ, որ դու ինձ ամենաչնչին օգնու-
թիւններ չես կարողանում անել այսպիսի սարսափելի
րոպէներում, երբ մեր երեխան...

— Լաւ, լաւ, լաւ. բոլորը կ'անեմ՝ ինչ ուզում
ես: Բայց զանգակ տալը գուր է, ամենքը քնած են:
Ո՞րտեղ է դրած սագի ճրագուն:

— Մանկասենեակի վառարանի մօտ: Եթէ ինքդ
ես գնում, ասա՛ Մարիամին, որ...

ես բերի ճրագուն և պառկեցի քնելու. բայց կինս ինձ հանգիստ չը թողեց:

— Գիտես, սիրելիս, որ ես քեզ նեղութիւն տալուց ինքս տանջուում եմ, բայց սենեակը էլի ցուրտ է, ճրագուն քսել չի կարելի: Վառարանը մէկ վառես: Փայտը դարուած է, միայն լուցկին վառես ու կպցնես՝ բաւական է:

Վերկացայ տեղիցս, վառարանը վառեցի և վհառած կերպով ընկայ աթոռի վերայ:

— Ինչո՞ւ ես աթոռի վերայ նստում, ա՛ մարդ, կը մրսես: Մտի՛ր անկողինդ:

Երբ որ պառկում էի, կինս ասաց.

— Մի քիչ էլ սպասի՛ր. Նեղին մի անգամ էլ զեղ ընդունի:

Դեղն էլ տւի: Դեղը փախցնում էր երեխայի քունը: Կինս հէնց որ տեսնում էր, որ երեխան զարթնել է, իսկոյն նորան մերկացնում էր ու մարմինը սագի ճրագու քսում: Ես դարձեալ քնեցի և դարձեալ ինձ զարթեցրին:

— Սիրելի՛ս, մի տեղից փչում է և սաստիկ է փչում: Իսկ այս հիւանդութեան ժամանակ քամին շատ վնաս է: Երեխայի մահճակալը մօտիկացրու կրակին:

Այս պատուէրը կատարելուց՝ ոտքս դարձեալ դիպաւ գորգին. ես բարկացայ և զայրոյթից վեր առի գորգը վառարան զցելու. բայց կինս անկողնից թռաւ և ձեռքիցս խլեց գորգը: Մենք մի թեթեւ կուռ-

ցինք: Փոքր քնելուց յետո՞յ՝ ես վերկացայ և կտաւատի սերմ դրի երեխայի կրծքին:

Որովհետեւ վառարանում կրակը ինքն իրան չի մնում՝ հանգչում է, ուստի ամեն մի քանի րոպէն վեր էի կենում և ուղղում էի փայտերը: Այս հանգամանքից օգուտ քաղեց կինս և նա էլ քսան րոպէից յետոյ երեխային զեղ էր տալիս: Թամանակ-ժամանակ, այն էլ բաւական ստէպ, փոխում էի կտաւատի սերմը և մանանեխ ու ուրիշ սպեղանի էի դնում երեխայի մարմնի ազատ քնացած տեղերում: Այս բոլորը մի կերպ տանում էի. բայց առաւօտեան դէմ՝ փայտերը բոլորովին այրեցին և կինս ստիպեց, որ ես զնամ փայտանոցը և փայտի նոր պաշար բերեմ: Ես չը համբերեցի և ասացի.

— Հոգեակս, փայտ բերելը շատ էլ հեշտ ու հաճելի չէ: Երեխային կարելի է տաքացնել լաւ ծածկելով: Փոխենք մարմնի վերայ զրած զեղերը և այնուհետև...

Կինս մի աղմուկ հանեց, որ, ի՛նչ արած, գնացի մի խտխտ փայտ բերի, որից յետոյ ընկայ անկողինս և այնպէս խամփացրի, ինչպէս ընդունակ են Ֆիզիքայէս և հոգեպէս շատ յոգնած մարդիկը: Առաւօտը՝ լուսաբացին՝ ես զգացի մի խիստ հարւած, որ ինձ սթափեցրեց: Կինս նայում էր ինձ վերայ մոլոր հայեացքով և վրդովմունքից շնչասպառ էր լինում: Մի կերպ ուժը ժողովելով՝ նա ասաց.

— Բոլորը վերջացաւ, բոլորը կորաւ: Տե՛ս, ի՛նչ-

պէս երեխան քրտնած է: Ի՞նչ անենք այժմ, Տէր Աստուած, Տէր Աստուած:

— Հեր օ՛րհնած, մի՞թէ կարելի է այդպէս վախեցնել: Տէր Աստուած, չը գիտեմ՝ ինչ անեմ: Որ այդպէս է, նորից ճրագու քսի՛ր ու ղնենք երեխային քամի տեղ, որ...

— Օհ, ինչ խելառն ես: Ամեն մի բոպէն այստեղ թանգ է: Նուտով գնա բժշկի ետեից: Ինքդ գնա՛— և նորան ասա, գլխին զիր վերջապէս, որ պէտք է գայ այստեղ ինքը՝ կենդանի թէ մեռած:

Ես վազեցի, հիւանդ բժշկին ոտքի կանգնացրի և հետս առի ու տուն եկայ: Նա քննեց Նելլուն և յայտնեց, որ նա մեռնելու ամենեւին ցանկութիւն չունի: Ես ի հարկէ շատ ուրախացայ, բայց կինս այնպէս բարկացաւ, կատաղեց, որ կարծես թէ բժիշկը նորան վիրաւորել էր իւր խօսքով: Յետոյ նա ասաց, որ երեխայի հազի պատճառը նորա կոկորդը ընկած մի որ և է իրի աննշան գրգռումից է առաջ եկել: Ես կարծում էի՝ թէ կինս բժշկի այդպիսի խօսքերի վերայ դուրս կ'անի նորան սենեակից: Բժիշկը աւելացրեց յետոյ, որ եթէ երեխան մի անգամ սաստիկ հազայ, կոկորդը կարող է մաքրւել: Եւ արդարև բժիշկը տեղ երեխային մի ինչ որ զեղ, որից նորա հազը սաստիկ բռնեց և կոկորդից դուրս թռաւ մի կտոր բարակ բան:

— Ձեր աղջիկը կրուպով հիւանդ չէ, յայտարարեց բժիշկը: Կարելի է նա մի որ և է ձիւղի կտոր

կամ ձիպոս է կրծել, որից մի կտոր մնացել է կոկորդում: Իորանից մի առանձին վնաս չի առաջանալ:

— Ես էլ այդ կարծիքի եմ, աւելացրի ես: Բայց մի բան կայ, որ սոճում եղած տերպենտինը շատ օգտաւէտ է մանկական մի քանի հիւանդութիւնների ժամանակ: Սակայն իմ կինը ինքը աւելի լաւ կերպով կը բացատրի ձեզ այդ բանը:

Կինս դատողութիւն անելու գլուխ չունէր: Նա արհամարհանքով շուռ տեղ երեսը և սենեակից դուրս եկաւ: Այդ ժամանակից մեր ընտանեկան կեանքում մէկ միջնադէպ պատահեց, որի մասին մենք աշխատում ենք երբէք խօսք չը բաց անել. բայց և այդ ժամանակից մեր օրերը անցնում են ուրախ և անվրդով:

Պսակածներից շատ սակաւներն են ծանօթ պարոն Ուիլեամսի քաշած տանջանքին, ուստի հեղինակը կարծում է, որ այս դէպքի նորութիւնը հետաքրքրական կը լինի բարեմիտ ընթերցողի համար:



ՏԻՎԻՆ ՌԻԻԼԵԱՄՍԸ ԵՒ ԿԱՅԾԱԿԸ

Պարոն Ուիլեամսը՝ շարունակ խօսակցութեան մէջ՝ պատմեց հետեւեալը.

Այո, պատուելիս, կայծակից վախենալը— մարդկային ամենացաւալի թուլութիւններից մէկն է: Այդ թուլութիւնը աւելի պատահում է կանանց շրջանում, երբեմնապէս զտնուում է փոքրիկ շնիկների մէջ և շատ սակաւ տղամարդերի դասում: Այդ թուլութիւնը այն պատճառով է նա մանաւանդ ատելի, որ նա մարդուն այն աստիճան ուժից զցում է, որչափ չէ կարող տկարացնել ոչ մի ուրիշ երկիւղ. և մարդ չէ կարող ոչ սառն դատել նորա մասին, ոչ էլ այդ երկիւղից չեա կենալ, թէկուզ ամօթահարելուց: Այն կինը, որ քաջութեամբ կը տանէր դուրս կամ մինի ներկայութիւնը, կորցնում է իւր վստահութիւնը և ջուր է կտրում կայծակի խզբզանքից: Մարդ խզճում է՝ տեսնելով կայծակից սարսափած կնոջը: Պատմեմ գլխիս եկած դէպքը:

Մի անգամ ամառը, գիւղում, մեր կալածքում, իմ հանգիստ քնի ժամանակ լսեցի մի խեղդաւած խուլ ձայն, որ ինձ զարթեցրեց:

— Այ մա՛րդ, ա՛յ մարդ, վեր կաց, կանչում էր հեկեկալով կինս իմ ականջտակին:

Սկսեցի մտքս ինձ ժողովել, տեղիցս բարձրացայ և հարցրի.

— Սիրելիս, այդ դո՞ւ ես: Ի՞նչ է պատահել: Ո՞րտեղ ես դու:

— Վերկա՛ց, պահարանը փակիր: Ամօթ չե՞ս քաշում, քեզ համար հանգիստ պահել ես մի այնպիսի ժամանակ, երբ սկսել է սարսափելի փոթորիկ և որոտմունք:

— Լաւ, քնած ժամանակ ինչպէ՞ս կարող էի ես ամաչել: Այ կին, խելքդ որտե՞ղ է. մարդս քնած ժամանակ չէ կարող ամաչել:

Ե՛հ, դու երբէք չես ամաչում. մթթէ, ա մարդ. դու ինքդ չը գիտե՞ս, որ միշտ այդպէս ես:

Եւ կինս սկսեց կրկին հեկեկալ խուլ ձայնով: Հեկեկանքի ձայնը սառցրեց իմ լեզուն, որ պատրաստել էր մի սուր պատասխան և ես խօսքս շուռ տուի:

— Սիրելիս, հոգեակս, շատ ցաւում եմ, որ այդպէս է եղել. հաւատացիր, որ կամաւ չեմ արել:

— Այ մա՛րդ:

— Տէր Աստուած. ի՞նչ ես ասում, հոգի ջան:

— Դու դեռ անկողնում պառկած ե՞ս:

— Ի հարկէ: Աբա ի՞նչ անեմ:

— Դո՛ւրս, դուրս եկ անկողնիցդ: Աթէ քո կեանքը քեզ համար թանգ չէ, գոնէ փոքր ինչ էլ է նորան պահպանիր ինձ համար, երեսաններից համար:

— Դէ, սիրելիս...

— Մի խօսիր, լսել չեմ ուզում: Դու լաւ գիտես, որ այսպիսի որոտմունքների ժամանակ մահ-ճակալից աւելի վտանգաւոր տեղ չը կայ: Բոլոր գրքերում այդպէս են գրում: Իսկ դու պառկել ես և կամաւ անձդ վտանգի ես ենթարկում, ով գիտէ ինչ դիտումով՝ միայն թէ ասածդ անես, հակառակես, հակառակես և...

— Ա՛, կի՛ն, խելքի ե՛կ. ի՛նչ է, պէտք է քեզ համար երգւեմ, որ ես մահճակալումը չեմ:

Դեռ խօսքս չէի վերջացրել, որ սաստիկ կայծակ տեսց: Տիկինն երկիւղից սարսափելի ճիչ արձակեց. որոտմունքը, գոռոցը ականջս խլացրեց:

— Տեսնում ե՞ս, այ մարդ, մեղքերից հետեանքը: Ինչպէ՞ս ես դու կարողանում այդքան փշանալ, որ այսպիսի ժամանակ երգում ես:

— Ես չեմ երգւեցի և կայծակը ամենևին երդւելուցը չէր: Միևնոյնը կը լինէր, եթէ ես ոչ մի ծպտուն էլ հանած չը լինէի, այդ ինքզ էլ լաւ գիտես, հոգեակս. գոնէ պէտք է գիտենայիր, որ երբ որ օղը, մթնոլորտը, ելեքտրականութիւնով լքցւած է...

— Հա, այդ է՞ր պակաս մնացել: Ապացուցի՛ր, ապացուցիր, ապացուցիր: Տօ, ի՛նչ ես դուրս տալիս դիտելու, երբ որ լաւ գիտես, որ մենք շանթարգել չ՛ունենք և քո խեղճ կինը ու զաւակները գտնում են նախախնամութեան ձեռքին: Այդ էլի ի՛նչ ես

անում: Այսպէս ժամանակ լուցկի ե՞ս վառում: Խելքդ կորցրել ե՞ս, ի՛նչ է:

— Տէր ողորմեա՛, այ չիմար կինարմատ, որտեղ է կրակը, որ աչքիդ երևում է...

— Հանգցրո՛ւ, հանգցրու այս բուպէին: Թէ դու մեզ բողբոխ զոհել ե՞ս ուզում: Դու լաւ գիտես, որ ոչ մի զան այնպէս չէ քաշում կայծակը, ինչպէս կրակը: (Վզզ-դռռ-շախկ-շրախկ—կայծակի փայլ և գոռոց): Հը տեսա՞ր, սիրտդ հովացա՞ւ: Հիմի տեսա՞ր քո արածը:

— Ոչինչ չեմ տեսնում: Լուցկին շատ-շատ իրան կը քաշի կայծակը. բայց հօ նա չէ՞ կայծակ ծնողը, կայծակի պատճառը: Այն էլ, որ ասում եմ կը քաշի, շատ սակաւ դէպքում. հարիւր անգամից մէկումն էլ չի պատահիլ: Եթէ լուցկի վառելովս կայծակ կարողանայի քաշել, դա կը նշանակէր, որ որսորդն էլ միլիօն հարւածներում միշտ նշան խփած կը լինէր առանց սայթաքելու: Որսորդների ընկերութիւնը, զորօրինակ...

— Ամօթ է, ա՛ մարդ, ամօթ քեզ համար: Մենք այստեղ կանգնած ենք մահի առաջ, իսկ դու մի այսպիսի խորհրդաւոր բուպէում կարողանում ե՞ս այդ տեսակ լեզուով խօսել: Եթէ դու ցանկութիւն չ՛ունես... այ մարդ, լսի՛ր մէկ:

— Հը՞:

— Երեկոցեան պառկելուց առաջ աղօթք արի՛ր:

— Ես, ես... ուզում էի, բայց զբաղւած լինելով

տասներկուսը տասներեքի վերայ բազմապատկելով...

(Վզզ, դուռ, շախկ, շրախկ):

—Է՛հ, կորել ենք, անպատճառ կորել, մենք անօգնական խեղճերս: Ախր ինչպէ՞ս էիր դու կարող արհամարհել այդպիսի մի բան այս տեսակ երկիւղալի ժամանակ:

—Պառկելուց առաջ «այս տեսակ երկիւղալի ժամանակ» չէր: Երկնքում ամպի կտոր էլ չկար: Ո՞վ կը կարծէր, որ իմ մի փոքրիկ զանցառութիւնիցս կարող է այսպէս աղմուկ ու փոսնդ ծագել: Ես կարծում եմ, որ դու առհասարակ այդ տեսակ ձեւականութիւն տալիս. դու լաւ գիտես, որ դա սակաւ պատահող մի բան է: Ես աղօթելը չէի մոռանում այն օրից, որ պատահեց մեզանում մի երկրաշարժ տրանից չորս տարի առաջ:

—Իսկ միւսը, ա՛ մարդ, մոռացա՞ր. դեղնատենդ հիւանդութիւնը:

—Հոգեակս, դու միշտ օրինակ ես բերում դեղնատենդը. բայց ես համաձայն չեմ քեզ հետ: Այստեղից մինչև դեղնատենդ երեւեցած տեղը այնքան հեռու է, որ հեռագիրն անգամ չէ կարելի անմիջապէս ուղարկել առանց միջանկեալ կայսրանների. այդ ինչպէ՞ս իմ մի երեկոյ աղօթք չանելը այնտեղ ազդեց այդպէս յանկարծակի: Դեռ երկրաշարժի մասին կարող եմ այդ տեսակ ենթադրութիւն թո՛յլ տալ, որովհետև նա մեզ մօտ պատահեց. բայց թէ

ես ինձ պատասխանատու համարեմ ամեն մի անիծւած... (Վզզ, դուռ, շախկ-շրախկ):

—Ախ, սիրելիս, ախ, սիրելիս: Ես հաւատացած եմ, որ կայծակը մի բանի դիպաւ: Մենք էլ արեգակի լոյս չենք տեսնելու: Հը՞. ի՞նչ է. դու ուրախ կը լինես՞ մեր անհետանալուց յետոյ՝ քո սուկալի խօսքերը մտաբերել:

—Յետո՞յ: Ելի բան ունե՞ս:

—Քո ձայնը, ա՛յ, մարդ, կարծես թէ... Տէր Աստուած, միթէ՞ դու բաց վառարանի առաջն ես կանգնած:

—Այո, այդ ոճրագործութիւնով իմ զբաղւած:

—Հեռացի՛ր այս բոպէին: Դու երևի մտքումդ դրել ես մեզ բոլորիս կորցնելու: Միթէ՞ դու չը գիտես, որ վառարանը ամենալաւ կայծակ քաշողներինցն է: Հիմի էլ դու որտեղ գնացի՞ր:

—Ես այստեղ եմ, լուսամուտի մօտ:

—Օհ, Տէր ողորմեա, ի՞նչ է եղել քեզ. հօ գժւել չե՞ս: Այս բոպէին այդ տեղից քաշի՛ր: Ծժկեր երեխաներն անգամ դիտեն, որ կայծակի ժամանակ վտանգաւոր է լուսամուտի մօտ կանգնելը: Ախ, սիրելիս, ես համոզւած եմ, որ զիչերս չեմ լուսացնելու... Ա՛, մա՛րդ, սիրելի՛ս:

—Ի՞նչ է:

—Այն ինչ է խշխշում:

—Ես եմ:

—Դու ի՞նչ ես անում:

— Զգեստիս ծայրն եմ որոնում:

— Ի՛նչ գցի՛ր շուտով: Ինքդ լաւ գիտես, որ բոլոր ուսուումն ահանների կարծիքով բրդէ ճոթը կայծակ քաշող է, ու հանգիստ և հանդարտ շոր ե՞ս հագնում: Օ՛հ, սիրելիս, բաւական չէ, որ բնական պատճառներից վտանգի է ենթարկել մեր կեանքը, դու աւելի էլ մեծացնում ես վտանգը: Ի սէր Աստուծոյ մի երգիլ, մի երգիլ: Ախր միտքդ ի՞նչ է:

— Լա՛ւ, երգից ի՞նչ վտանգ կարող է լինել:

— Ա՛մա՛րդ, ես քեզ հարիւր անգամ ասել եմ, որ երգից օղը շարժում է և այդպիսով կտրում է էլեքտրական հոսանքը, որ... Այս ի՞նչ ես արել, ինչո՞ւ ես բացել իմ պահարանի դուռը:

— Օ՛հ, խելագար, դորանից ի՞նչ վնաս կարող է լինել:

— Ի՞նչ վնաս: Դորանից—կարող է լինել մահ: Ամեն մի տխմարն էլ, որ փոքր ինչ դիտել է, գիտէ, որ ընդմիջւող քամով կարող է կայծակ բերել: Դէ՛, կէսն էլ չես փակել, փակիր դուռը ամուր. շուտ արա, շտապիր. թէ չէ մենք կը կորչենք: Ախ, ի՞նչ տանջանք է, որ ես կրում եմ՝ մի խելքըպակասի հետ միասին փակւած այս սենեակում: Ա՛մա՛րդ, այդ ի՞նչ ես անում:

— Ոչինչ: Զուր եմ ածում: Սենեակի օղը տաք է և խեղդող: Ուզում եմ ձեռքերս ու երեսս լւանամ:

— Դու, երևի, վերջին խելքդ էլ տանուլ ես

տել: Եթէ ցամաք տեղում կայծակը խփի մի անգամ, ջրին կը խփի յիսուն անգամ: Թափիր ջուրը: Ախ, սիրելիս, էլ յոյսս կտրեցի, թէ մենք ապրելու ենք: Ես կարծում եմ, որ... Ա՛մա՛րդ, էլի այդ ի՞նչ նոր բան է...

— Թո՛ւ, գրողը... ձեռքս կպաւ պատկերին...

— Ուրեմն, դու պատի մօտին ե՞ս: Այդպէ՞ս էլ անզգուշութիւն: Դու միթէ՞ չը գիտես, որ պատով կայծակը շատ հեշտ կ'անցնի... Հեռացի՛ր այդտեղից: Իե՛ռ քիչ է մնացել, որ յիշոց էլ տաս: Ինչպէ՞ս ես գօրում այդպէս անբարոյական լինել մի այնպիսի ժամանակ, երբ ընտանիքդ ակներև վտանգի մէջ է: Ա՛մա՛րդ, քեզ ասել էի, որ փետրադոշակ գցել տաջիր անկողնիդ տակը:

— Մոռացայ այդ բանը:

— Մոռացա՞ր: Իսկ կեանքդ որ կորչի՞: Փետրադոշակ ունենայիր, կարող էիր նորան սենեակի մէջ տեղում գետնին փռել և նորա վերան պատկել: Դէ եկ, մտի՛ր պահարանը, ինձ մօտ, դէ շուտ, քանի որ մի նոր օջին չես հանել մեր գլխին:

Ես փորձեցի մանել պահարանը. բաց սա երկու մարդ միասին տեղաւորելու անկարող էր, այն էլ փակւած դռներով և խեղդւած օդով: Փոքր ինչ համբերեցի, բաց շուտով դուրս թռայ միջիցը:

— Սիրելիս, ասաց կինս, մի բան գարձեալ պէտք է անենք քո ապահովութեան համար: Մէկ տուր ինձ վառարանի վերայ դրւած գերմանական դիրքը

և մամբ. չէ, չէ, չէ, ինքդ մի վառիլ, բեր այստեղ, ես ինքս կը վառեմ: Այդ գրքումը կայծակի մասին տեղեկութիւններ կան և գրեած են խրատներ...

Գիրքը առնելը թանգ նստեց. ձեռքս դիպաւ սկիհին (վագ) և միւս դիւրաբեկ իրերին և նոքա վայր ընկան: Կինս առաւ գիրքը և ճրագը ու ինքը փակեց պահարանում:

—Ա՛ մարդ, այն ի՞նչ ձայն է, որ լսում եմ:

—Ոչինչ, կատուն ներս թաւաւ:

—Կատո՞ւն: Վա՛յ մեզ: Բռնիր նորան և ըացարանում թաքցրու: Շուտ, սիրելիս՝ շուտ արա. կատունները ելեքորականութիւնով լիքն են: Օ՛հ, այս գիշերւայ տանջանքներից իմ մազերը, հաւատացնում եմ, սպիտակելու են:

Եթէ կնոջս հառաչները չը շարունակէին, ես դուցէ չընկնէի կատուի ետեւից այնպիսի մուտ ժամանակ. բայց ի՞նչ արած: Աթոռների և ուրիշ իրերի վերայով ցատկելով, թռչկոտելով, վերջապէս բռնեցի կատուին ու կոխեցի կոմոդը, որտեղ յետոյ բանից երևաց, որ մի շորս հարկւր դոլլարի արժողութեան զարդաիրեր են կոտրատւած:

Ինձ սթափեցրեց կնոջս ձայնը:

—Ա՛ մարդ, այս գրքի մէջ գրեած է, որ ամենապահով դրութեան մէջ լինելու համար պէտք է աննեակի մէջ մի աթոռ դնել, որի ոտները կղզիացրած լինեն վատ հաղորդիչներով և կանգնել այդ աթոռի վերայ: Ուրեմն, դու պէտք է աթոռի ոտ-

ները դնես ապակեայ բաժակների վերայ: (Վ.գ.դ, տրախիլ, շրախիլ): Օ՛հ, լսում ե՞ս, տեսնում ե՞ս: Դէ շուտ արա, շուտ, քանի քեզ կայծակը չի սպանել:

Ես մի կերպ գտայ բաժակները և յարմարեցրի նրանց աթոռի ոտների տակ, ըստ որում բացի այդ շորսից՝ միւս բոլոր բաժակները ջարդեցի իմ փորձերով: Եւ սկսեցի սպասել նոր կարգադրութիւնների:

—Ա՛յ, ա՛յ, այս գերմանական գրքում ասւած է հետեւեալը¹⁾. „Waehrend eines Gewitters entferne man Metalle, wie zum B. Ringe, Uhren, Schlüssel, etc. von sich, und halte sich auch nicht an solchen Stellen auf, wo viele Metalle bei einander liegen, oder mit anderen Koerpern verbunden sind, wie an Herden, Oefen, Eisengittern und dgl“. Հիմի սա ինչպէ՞ս պէտք է հասկանանք, արդեօ՞ք մեզ պէտք է մետաղներով շրջապատենք, թէ նորանց մեղանից հեռացնենք:

—Ես էլ լաւ չեմ հասկանում: Այդ տեղը փոքր ինչ մուտ է: Իւրաքանչիւր գերմանական խորհուրդ

¹⁾ Թարգմանութիւնը սա է. որոտմունքի ժամանակ պէտք է քեղանից հեռացնես մետաղները, մատանիները, ժամացույցը, բանալիքները և այլն, և ինքդ չը մնաս այնպիսի տեղերում, ուրտեղ շատ մետաղներ են կուտակւած, կամ ուրիշ մարմինների հետ միացրած են, ինչպէս են հնոցները, վառարանները, երկաթեայ ցանկապատները և այլն:

փոքր ինչ մութն է լինում: Ես կարծում եմ, որ այս պարբերութիւնը կազմած է զլսաւորապէս տրական հոլովից, որին աւելացրած են՝ յամենայն դէպս՝ փոքր ինչ սեռականից և հայցականից: Ուստի ես կարծում եմ, որ այդ նախադասութիւնը ուղում է ասել՝ թէ պէտք է շրջապատենք մեզ մտադններով:

— Հէնց այդպէս է լինելու: Այդպէս շատ խելացի է դուրս գալիս: Դու լաւ գիտես, որ շանթարգէններ շինելու համար մետաղ էլ է գործ ածւում: Դիր գլխիդ քո այն գրպիդ, որ հրդեհի ժամանակ դնում ես, նա կարդին մետաղոտ է:

Ի՞նչ պէտք է անէի: Պտուեցի հրդեհագրպիդ և դրի գլխիս: Գրպիդ ծանր էր և անտանելի՝ այնպիսի տաք և խեղդող օդում, որ սենեակումս էր: Առանց այլ էլ դիշերւայ զգեստն աւելի տաք էր, քան հարկաւոր էր:

— Ա՛ մարդ, այժմ յոյս ունեմ, որ զլուխդ բուրդովին ապահով դրութեան մէջ է: Բայց ասում եմ, թուրդ էլ հէնց կապես:

Այդ էլ կասարեցի:

Այժմ, սիրելի ամուսին, շարունակում էր կինս, պէտք է մի բան գտնես ոտներդ պաշտպանելու: Ի՞նչ կայ, սիրելիս, ժանիքները (շպորները) կպցրու կոշիկիցդ:

— Լուութեամբ և անվրդով համբերութեամբ այդ էլ արի:

— Մէկ ականջ դի՛ր թէ զրբում էլի ինչ է

գրած. ¹⁾ „Das Gewitter ist sehr gefaehrlich, weil die Glocke selbst, sowie der durch das Laeuten veranlasste Luftzug und die Hoehe des Thurmer den Blitz anziehen koennten“ Միթէ՞ այնպէս չը պէտք է հասկանանք, թէ որոմունքի ժամանակ զանգակ չը խփելը վտանգաւոր է:

— Այո՛, այդպէս է երևում, եթէ միայն դա եզակի ուղղականի ընդունելութեան անցեալ ժամանակն է, իմ հաշւով հէնց այդպէս է դուրս գալիս: Ինձ թւում է, որ այդ նախադասութեան միտքը սա է. զանգակատան բարձրութեան և Luftzug՝ի (օդի հոսանքի) բացակայութեան պատճառով շատ վտանգաւոր է (sehr gefaehrlich) զանգակ չը թակելը որոմունքի ժամանակ և, բացի այդ, դարձրուք ուշադրութիւնը...

— Ի՛ է լաւ, բաւական է. ա՛յ մա՛րդ, ժամանակ մի կորցնիլ դատարկախօսութիւնով: Քակիր մեր մեծ զանգակը. ահա պատշգամբումս է, աջ կողմումը. դէ շուտ, սիրելիս, վտանգը անցնելու վերայ է: Սիրելիս, այժմ հաւատում եմ, որ մենք վերջապէս կարող ենք փրկւել:

Մեր ամառւայ փոքրիկ տունը շինւած է մի

¹⁾ Որոմունքը շատ վտանգաւոր է, որովհետեւ թէ զանգակը ինքը և թէ զանգահարութիւնից առաջացած օդի հոսանքը և զանգակատան բարձրութիւնը կարող են կալծակը քաշել:

շարք բլուրներից ամենաբարձրի վերայ՝ հսկոյի գլխին: Մեզ հարեան՝ զանուամեն մի քանի տնակներ, որոնցից ամենամօտը երեք չորս հարիւր կանգուն (եարդ) մեզանից հեռու է:

Երբ ես, աթոռի վերայ բարձրանալով, սկսեցի զանգահարել եօթն ութ րոպէ շարունակ մեծ զանգակը, մէկ էլ տեսնենք, մեր լուսամտի փեղկերը դրսից յանկարծ բացւեցին, մի լսարար մօտիկացաւ լուսամտին և մի ձայն կոպիտ կերպով հարցրեց:

— Ի՞նչ է պատահել այստեղ:

Լուսամտի մօտ ժողովւած էին տղամարդիկ, իսկ նոցա աչքերը զարմացմամբ շուած էին իմ զգեստի վերայ:

— Ես բաց թողի զանգակի շանը, վրդովւած վայր իջայ աթոռից և ասացի:

— Բարեկամներ, ոչինչ չը կայ, մենք փոքր ինչ անհանգստացանք որոտմունքի պատճառով: Ես աշխատում էի կայծակը կանգնեցնել...

— Որոտմունքը: Կայծակ: Ի՞նչ էք ասում պարոն Ուրիեամս, հօ՛ խելագարեւէ չէ՞ք: Դուքուր հրաշալի ասողազարդ գիշեր է և ոչ մի որոտմունք չէ եղել:

Ես նայեցի լուսամտից և այնպէս զարմացած էի, որ մի րոպէ լեզուս սառեց բերանումս: Վերջապէս՝ խելքս հաւաքելով ասացի,

— Բան չեմ հասկանում ախր: Մենք լուսամտի փեղկերի միջով տեսնում էինք կայծակը և լսում էինք գոռոցը:

Լուսամտի մօտ կանգնած մարդիկը չանկարծ մի ծիծաղ սկսեցին, մի ծիծաղ, որից նոքա կոտորւում էին, դեռին էին թափւում: Իսկ երկուսը կողքի ծակոցից մինչև անգամ մեռան: Վենդանի մնացածներից մէկը նկատեց:

— Ափսոս, որ ձեր խելքին մէկ շեկաւ, որ փեղկերը բանայիք և նայէիք այն բարձր բլրի գլուխը: Այն ինչ որ դուք լսել էք— նա թնդանօթների ձայն է եղել. իսկ ինչ որ տեսել էք— նորա կրակը: Բանն այն է, որ գիշերւայ կէսին հեռագիր եկաւ, որ Հարֆիլը նախագահ է ընտրւած և ահա ինչո՞ւ թնդանօթներ են դատարկւում:

Պատմողը, այսինքն պարոն Ուրիեամսը, վերջացրեց իւր խօսքը այսպէս.

— Այո՛, պարոն Տուէն, ինչպէս ատացի, կայծակից պաշտպանւելու կանոնները այնքան կատարեալ են և բաղմամբիւ, որ ես չեմ կարողանում հասկանալ, թէ ինչպէս են դեռ գտնւում այնպիսի խելաւորներ, որ իրանց սպանել են տալիս կայծակից:

Այս խօսքերից չետոյ ճանապարհորակիցս վեր առաւ իւր ուղեւորը ու հովանեակը և դուրս եկաւ երկաթուղու կառքից, որովհետեւ հասանք նորա քաղաքի կայարանին:

ԻՄ ԱՌԱՋԻՆ ԳՐԱԿԱՆԱԿԱՆ ՓՈՐՁԸ

Ես տասներեք տարեկան հասակումս մի սրամիտ տղայ էի և մինչև անգամ աչքի ընկնող սրամիտ. գոնէ ես այդ կարծիքը ունէի իմ մասին:

Իմ պտտանեկութեան այդ վաղ ժամանակում՝ ես սիրտ արի առաջին տպագրութեան տալ իմ գրեածքը, որ բոլորովին անսպասելի կերպով մեծ աղմուկ գցեց մեր հասարակութեան շրջանում: Իմ յօդեածիկով, կարելի է ասել, պարծենում էր մեր հասարակութիւնը, ինչպէս և ես ինքս:

Ես, ինչպէս ասում են, լրագրի «չարածնին» դարձայ և այն է մի քաջարի ու փառասէր չարածնի:

Հօրեղբայրս հրատարակում էր «Հաննիբալեան շարաթաթերթ», անունով մի լրագիր, որ արժէր տարին երկու դոլլար, նշանակել էր վճարը կանխիկ, ունէր հինգ հարիւր բաժանորդ, որոնք լրագրի վճարը փոխարինում էին վառելափայտով, կաղամբով և փչացած շաղգամով:

Եւ ահա ամառւայ մի գեղեցիկ օր՝ հօրեղբայրս, ստիպւած լինելով մի շաբաթով հեռանալ քաղաքից, հարցրեց ինձ՝ կարող եմ ևս արդե՞օք նորա բացա-

կայութեան միջոցին՝ յանձն առնել նորա լրագրի խմբագրութիւնը:

Ի՞նչ ասել կ'ուզի: Ո՞վ չի ցանկանալ իւր ոչ-ժերը փորձել: Ի հարկէ ամենամեծ պատրաստականութեամբ ընդունեցի: Եւ ահա ինչ բանից ես սկսեցի:

Մի պարոն Խ*, այդ ժամանակ խմբագիր էր մի ուրիշ լրագրի, որ հօրեղբօրս լրագրի հակառակորդն էր ներկայանում: Պարոն Խ*-ը հէնց այդ ժամանակները խաբւած էր մի կնոջից, որին նա սիրել էր: Խ.-ի բարեկամը մի երեկոյ գալիս է նորա մօտ, նորան տանը չէ գտնում, իսկ մահճակալի վերայ տեսնում է Խ.-ի ձեռքով գրած բաց նամակ, որով յայտնում է, որ նա անկարող է այլ ևս իւր անջաջող կեանքը շարունակել և վճռել է մեռնել՝ խեղդելով իրան Արջագետում: Բարեկամը շտապում է իսկոյն դէպի գետը և տեսնում է, որ Խ.-ը ջրի հոնով բարձրանում է դէպի ափը: Գուրս է գալիս, որ նա միտքը փոխել է... Բաղաքումը մի քանի օր հէնց այդ անցքի մասին էր բոլորի խօսքը: Բաց Խ.-ը չը զիտէր թէ ինքը խօսակցութեան առարկայ էր:

Այս անցքը ինձ թւեց շատ իւղալի նիւթ մի սուր յօդեածիկի համար: Ես նորանից, թէև վատ, բաց մի երկայն պատմածք շինեցի, որը, ազդեցութիւն գործելու նպատակով, ճոխացրի անձոռնի նկարներով, որոնք զանախով քանդակւած էին փայտի վերայ: Այդ նկարներից մէկը ներկայացնում էր Խ.-ին

այն րուպէին, երբ նա մտնում է եղել վետը՝ շապկանց և լապտերը ձեռին, գաւազանով սուղեղով ջրի խորութիւնը: Այդ բանը ինձ շատ զւարճալի թւեց և ի հարկէ իմ գլուխը չէր կարող հաշի առնել այդպիսի պարսաւագրի բարոյական նշանակութիւնը:

Բոլորովին բաւական մնալով իմ սրամտութեան արդիւնքից՝ ես որոնում էի իմ յաղթութիւնների համար ուրիշ առարկաներ, երբ յանկարծ մի լաւ բան եկաւ մտքիս, այն է, որ փորձեմ գրել մի ծաղրական ոտանաւոր, որով մի լաւ կծեմ գիւղական թերթի հրատարակչին, մեղադրելով նորան մի որ և է չարած խարդախութեան համար և յետոյ տեսնեմ — թէ նա ինչպէս է վեր ու վաչր տալիս և կատաղում:

Ես մտադրութիւնս իրագործեցի, նմանեցնելով ոտանաւորս յայտնի մի բանաստեղծութեան և, ի՞նչ թազցնեմ, «նմանողութիւնը» շատ անյաջող դուրս եկաւ:

Դորանից յետոյ ես ամենակատաղի ակնարկներով իւայտառակեցի մեր քաղաքացիներից երկու անւանի մարդու, որոնք՝ իսկն ասած՝ մերկացնելու արժանի ոչինչ չէին արած, բայց ես մտքումս գրել էի հօբեղբօրս լրագիրը՝ որչափ կարելի է՝ կենդանի դարձնելու:

Այնուհետև ես մի թեթեւ կոթեցի մեր քաղաքը նոր եկած մի շքասէր ձանապարհորդի, որ կանանց շրջանում մեծ անուէն ունէր և սրտեր էր գրաւում: Դա մի անվերջ ժպտացող իմաստակն էր, զիզի-

պիզի հազնւող և անսահման իրանով պարծեցող: Նա իւր արած յաղթութիւնների պատուին և չիշատակին յօրինում էր տենդոտ ոտանաւորներ, որ բերում էր մեր թերթում տպագրելու: Իմ խմբագրութեան միջոցին՝ նա բերաւ մի ոտանաւոր այս վերնագրով «Մարիամը Հ-ում», որ նշանակում էր՝ Մարիամը Հաննիբալեան թերթում: Սրբագրութեան ժամանակ կարդալով այդ ոտանաւորը՝ ես տեսայ, որ դա ամենախայտառակ դատարկութեան մի նմուշ է, որ ՚ի հարկէ պէտք է ամենևին չը տպագրէի. բայց ես նորան հրատարակեցի, սուելացնելով հետևեալ կծու ծանօթութիւնը:

«Մեք տպագրում ենք այս անմիտ ոտանաւորը վերջին անգամը. բայց յայնում ենք նորա հեղինակ պարոն Գ-ին, որ միւս անգամ մենք մեզ այս փորձութեան մէջ չենք գծիլ և խորհուրդ ենք տալիս, որ նա միւս անգամ, երբ ցանկանալու լինի գործ ունենալ իւր բարեկամուհիների հետ Հ-ում, ընտրի իւր համար ուրիշ միջնորդ և ոչ թէ մեր լրագրի համարները»:

Համարը դուրս եկաւ: Ես երբէք չէի երեւակայել, որ լրագրական մի այդ տեսակ չնչին բան կարող էր մի այդ տեսակ ուշադրութիւն գրաւող լինել: Մեր լրագիր պահանջողները յանկարծ բազմացան և այնպէս մեծ թւով, որ մինչև այդ ժամանակը լուած չէր:

Բոլոր քաղաքը տակնուվերայ եղաւ: Վաղ առաւօտը պ. Խ-ը մտաւ խմբագրատունը՝ ձեռքին բըռ-

նաճ երկփողանի հրացանը: Երբ նա ինձ տեսաւ և համոզեց, որ նորան վիրաւորողը ինձ նման մի երեխայ է, միայն ականջներս բռնեց, քաշեց և հեռացաւ. բայց մի և նոյն երեկոյեան, ինչպէս իմացանք, նա բնակարանի վճարը տալիս է ու հեռանում առ միշտ մեր քաղաքից: Ճանապարհորդը, որ իւր մասնագիտութիւնով մի դերձակ էր, եկաւ իւր մկրատով և արգնուելով. բայց նոյնպէս նայեց արհամարհանքով վերաս և իսկոյն հեռացաւ մեր քաղաքից: Միւս երկու անւանի քաղաքացիները եկել էին իմ դէմ դատ բանալու, բայց տեսնելով իմ չնչին մի բան լինելս՝ դուրս փախան կատաղած կերպով:—Միւս օրը՝ գիւղական թերթի խմբագիրը ներս մտաւ և սկսեց անհաշիւ աղաղակել ու բարկանալ, արիւնով վրէժ պահանջելով, սակայն վերջացրեց նորանով, որ բարեսիրտ կերպով ինձ ներեց և մինչև անգամ ինձ հրաւիրեց մերձակայ դեղատունը, որ իսպառ ջնջենք թշնամական զգացմունքը՝ զարդակելով մի-մի բաժակ «ճիճու սպանող» դեղից, ինչպէս նա հանաքով ասաց ինձ՝ բաժակը բաժակիս չխկացնելով:

Հօրեղբայրս իւր բացակայութիւնից դառնալով շատ բարկացաւ վերաս և ի հարկէ ՚ի զուր, որովհետեւ ես լրագրին զարկ էի տւել, նորա մէջ կենդանութիւն փչելով և մի և նոյն ժամանակ նորան չէի ենթարկել կատաղի մեղադրեալների արիւնարբու հարւածներին...

Բայց երբ հօրեղբայրս նայեց հոշուեմատեանին՝

բարկութիւնը փոխեց զթութեան և ժպիտի: Նա տեսաւ, որ ես աւելացրել եմ բաժանորդների թիւը երեսուն և երեքով, որոնք արդէն նաղը կերպով հատուցել էին բաժանորդագինը ամենայն տեսակի տնային պաշարներով և ընդեղէններով, զորօրինակ, փայտով, կաղամբով, բակլով և չը ծախւող շողգամով, և այս բոլորը այնպիսի մեծ քանակութեամբ, որ կարգին ընտանիք ունեցողին անգամ՝ երկու տարի կարող էր բաւել:

ԻՄ ԺԱՄԱՅՈՅՅԻ ԱՐԿԱԾՔՆԵՐԸ

Ես ունէի մի հրաշալի ժամացոյց, որ ամբողջ տարի ու կէս ժամանակ բանում էր բոլորովին կանոնաւոր, ոչ յետ էր մնում, ոչ առաջ էր գնում, ոչ մի խանգարումներ չունէր և երբէք էլ չէր կանգնում: Ես արդէն սկսում էի այն համոզմունքին գալ, որ իմ ժամացոյցը անսխալական է իւր ցուցմունքներում, իսկ նորա կազմաւածքը և ներքին աշխարհը մշտնջենական է:

Բայց չը գիտեմ ինչպէս եղաւ՝ մի անգամ գիշերը մոռացայ ժամացոյցս լարելու և նա կանգնեց: Այս դէպքի մասին ես շատ ցաւեցի, տեսնելով այդտեղ ապագայ դժբաղդութեան մի նախաբան, մի չարագուշակ նշան:

Ես սակայն ինձ քաջալերեցի և դիմեցի ժամագործին, որ նա կարգի բերի բոլորը: Ժամագործը ձեռքն առաւ իմ ժամացոյցը, և բաց արաւ ներսը և սկսեց մանրամասն զննութիւն, որից յետոյ վճռական կերպով յայտնեց՝ «ժամացոյցը չորս րոպէ յետ է մնում, պէտք է նորա խաղը աւելացնել»:

Ես կամեցայ նորա ձեռքը բռնել, յետ պահել,

փորձեցի հասկացնել նորան, որ ժամացոյցի խաղը բոլորովին ճիշդ է, բայց աւաղ, ի զուր: Ախմախը մի բերան հա պնդում էր, որ ժամացոյցը յետ է մնում, պէտք է դեկը փոքր ինչ ծռել և էլ ոչինչ չէր ուզում լսել: Մինչդեռ ես վրդովմունքից և բարկութիւնից պար էի գալիս կանգնած տեղումս՝ չարագործը սառնասիրտ և կոպիտ կերպով իրագործեց իւր խայտառակ մտադրութիւնը:

Եւ ի՞նչ դուրս եկաւ: Ժամացոյցս սկսեց վազել: Նա վազում էր անդադար՝ օր օրի վերայ՝ աւելի ողբերկելով: Մի շաբաթից յետոյ նա արդէն հասաւ մի հիւանդոտ տենդային արագութեան և նորա զարկը բարձրացաւ մինչև հարիւր յիսունի սուէրում: Երկրորդ ամսի վերջում նա մեր քաղաքի բոլոր ժամացոյցներից առաջ ընկաւ և նորա ցոյց տաւ ժամանակը (եթէ հաշուենք բոլոր աւելորդ անցած ժամերը) օրացոյցի ցուցմունքից տասներեք օր աւելի առաջ անցաւ: Ժամացոյցս նոյեմբեր ամիսն էր մտել՝ փոթորիկների և ձիւնի եղանակները, մինչդեռ դըրսումը՝ հոկտեմբերի տերևները դեռ ծառերի վերայ թփթփում էին: Հետեւելով ժամացոյցիս ցուցմունքին՝ ես վաղ վճարեցի բնակարանիս փողը, պայմանաժամից առաջ տւի հաշիւներս և կատարեցի ուրիշ պարտաւորութիւններս այնպէս անաքանդ կերպով, որ հազիւ ազատեցի կատարեալ սնանկութիւնից:

Չէ, տեսայ բանս շատ է վատանում. ես վճռեցի

նիմեյու մի ուրիշ ժամագործի: Նա հարցրեց ինձ, արդեօ՞ք երբ և իցէ տւել եմ ժամացոյցս ուղղելու: Ես բացասական պատասխան տւի, հաւատացնելով նորան, որ ժամացոյցս ոչ մի պակասութիւն երբէք չի ունեցել:

Նա նայեց ժամացոյցիս մի դիւական զգւելի շարախնդացութեամբ, արագ բացեց ներսը և յետոյ՝ իւր աչքին դնելով խոշորացոյցը՝ սկսեց գննել ժամացոյցի կազմութիւնը: Զննութիւնից յետոյ՝ ժամագործը յայտնեց, որ հարկաւոր է ժամացոյցը մաքրել, օծել և նորա զեկի դիրքը փոխել: «Մի շաբաթից յետոյ, ասաց նա, պատրաստ կը լինի»:

Այս գործողութիւնից, այսինքն, մաքրելուց, օծելուց և զեկը տեղափոխելուց յետոյ, դժբաղդ ժամացոյցս սկսեց այնպէս յետ մնալ, որ նորա յուսակոտւր շկնչխկոցը յիշեցնում էր թաղումի զանգահարութիւնը: Ժամացոյցիս շնորհքից՝ ես բաց էի թողնում հարկաւոր գնացքները, ուշանում էի գործքիս վերաբերեալ բոլոր այցելութիւններին և վերջապէս բաց էի թողնում մինչև անգամ իմ ճաշերը: Ժամացոյցս մի անգամ կարևոր պարտամուրհակիս օրը գողացաւ և ես սաստիկ տուժեցի: Աստիճանաբար ես յետ էի գնում դէպի երեկւայ օրը, յետոյ անցեալ օրը, և վերջապէս մի շաբաթ յետո՛ւ Ես սկսեցի վախենալ, որ մի գուցէ աւելի ևս յետ գնամ և անցած ամիսը ընկնեմ: Բոլոր աշխարհը սկսեց մթնել աչքումս: Այդպէս յետ գնալով ակսր ուր պէտք է հաս-

նէի: Ես արդէն նկատում էի, որ իմ մէջ մի ձգտում է սկսում երևալ դէպի մեր թանգարանում դրւած մուսիան և պահանջ է զգացւում նորա հետ զրոյցի մտնել ընթացիկ ասեկոսէների մասին:

Ես նորից դնացի ժամագործի մօտ: Իմ ներկայութեամբ նա նորան քանդեց՝ մանր մասների վերածելով, որից յետոյ ասաց, որ սլաքը ձգւել է և որ նա յանձն է առնում երեք օրում ուղղել: Այս անգամայ կարկատանից ժամացոյցս սկսեց օրւայ հաշիւը ուղիղ ցոյց տալ մօտաւորապէս. բայց ահա ինչ օտարոտի սովորութիւններով: Օրւայ կէսը նա շարժւում էր աշխուժով, անգթաբար արագ և բարձրացնում էր մի այնպիսի հաջոց, ոռնոց, շւոց, փռնչոց և փռշոց, որ նորա դժոխային աղմուկից մտքերս խռնւում էին իմ գլխումը, էլ չը խօսած այն բանի մասին, որ այդ արշաւանքի ուժգնութեան շնորհիւ՝ քաղաքի ամենաեռանդուն ժամացոյցներն անգամ չէին կարողանում դիմանալ և յետ էին մնում: Իսկ օրւայ երկրորդ կէսից նա սկսում էր դանդաղ շարժւել և ապուշանալ, մինչև որ դարձեալ գալիս էր և հաւասարւում միւս ժամացոյցներին իւր հաշիւներով:

Այդպիսով, վերջ ի վերջոյ, մի ամբողջ օրը լրանալուց յետոյ՝ ժամացոյցս հասնում էր մրցանակի սիւնին՝ բոլորովին ճիշդ պայմանաժամին, կարծես թէ մոռանալով իւր բոլոր շեղումները:

Նա ցոյց էր տալիս միջին ժամանակը ուղիղ և

ոչով չէր կարող յանդիմանել, որ նա աւելի կամ պակաս է բան արել: Բայց միջին ժամանակի ուղիղ ցոյց տալը կազմում է մի ժամացոյցից պահանջող առաքինութիւններից ամենափոքրը:

Նս տարի ժամացոյցս մի ուրիշ ժամագործի մօտ: Նա ասաց, որ գզրոցը փչացած է: Նս ուրախացայ, իմանալով, որ աւելի մեծ վտանգ չէ վերահասել իմ ժամացոյցին: Իսկն ասած, ես հասկացողութիւն անգամ չ'ունէի թէ ի՞նչ բան է ժամացոյցի «գզրոցը», բայց չէի ուզում ազէտ երևալ անծանօթի առաջ: Ժամագործը ուղղեց կոճակը. բայց ժամացոյցը՝ որչափ դորանից լաւացաւ, այնքան էլ վատացաւ, որովհետև փոքր ինչ գնում էր՝ փոքր ինչ կանգնում, յետոյ դարձեալ գնում և կանգնում և այլ, ինքնահաճ կերպով կարգադրելով իւր գնալու և կանգնելու միջոցները: Ամեն անգամ էլ՝ ճանապարհ ընկնելուց՝ աղմուկով յետ էր տալիս, ինչպէս մի հրացան: Ստիպւած՝ մի քանի օր ես բամբակի կրծքակալ էի դնում բաճկոնակիս տակը... բայց վերջապէս տարի իմ չարաբաղդ ժամացոյցը մի ուրիշ ժամագործի մօտ:

Սա քանդեց ժամացոյցս: Երկայն ժամանակ նա խոշորացոյցով քննում էր իւրաքանչիւր մասնիկը և վերջումը չայանեց, որ պէտք է մազը փոխել: Յետոյ նորից հաւաքեց բոլորը և բանի գծեց: Այժմ ժամացոյցը սկսեց յաջող առաջ գնալ. միայն ամեն անգամ՝ երբ հասնում էր տասն ժամին առանց տասն

րուպէի, սլաքները միմիանց գրկում էին, ինչպէս մըկ-րատի թաթերը, և այդ կէտից շարունակում էին իրանց զբօսանքը միասին: Աշխարհիս ամենափորձառու ծերունին անգամ չէր կարող այդպէս ժամացոյցով որոշել ժամանակը, ուստի ես դարձեալ տարի վարպետի մօտ:

Նոր ժամագործը ինձ ասաց, որ ապակին ճնշում է և սլաքը թուլացել է, ուստի պէտք է այդ մասերը փոխեն: Նա իսկապէս մեծ ճշտութեամբ կատարեց, ինչ հարկաւոր էր: Նւ ժամացոյցս վերաւի բաւականին առողջացաւ, միայն մի արտաւորութիւն ունենալով: Անվրդով և բարեխիղճ կերպով ութ ժամ շարունակ շարժւելուց յետոյ, նորա ներքին համակարգութիւնը խանգարւում էր, մեքենան սկսում էր բզբալ մեղրածանձի նման, ըստ որում սլաքները սկսում էին արագընթաց պտըտել՝ մէկը միւսի ետեից՝ այնպիսի ուժգնութեամբ, որ նոցա անհատականութիւնը չքանում էր արտաքին տեսքից և նոքա երևում էին ժամացոյցի երեսին, իբրև ոստայնի թելեր:

Ժամացոյցը այդպիսի դէպքերում մի վեց-եօթ րուպէում անում էր քսանչորս ժամուայ գործ և յետոյ կանգ էր առնում ուժգին հարւածով: Տխուր սրտով ես գնացի դարձեալ մի ժամագործի մօտ և վճռեցի, որ այս անգամ արդէն մանրամասն հետեւեմ ժամացոյցիս վերայ կատարուող փորձերին և կէտ առ կէտ հարց ու փորձ անեմ բոլորի մասին, որովհետև,

ինչպէս տեսնում էի, ինձ սպառնացող վտանգը շատ լուրջ կերպարանք էր սկսում ստանալ:

Առաջ ժամացոյցս արժէր երկու հազար դոլլար, իսկ զբաղւելով նորան ուղղելու և կարկատելու գործով՝ ես կարծեմ ծախք էի արել արդէն երկու երեք հազար դոլլար:

Մինչդեռ ճնշած այս խորհրդածութիւններից՝ սպասում էի վարպետի վճռին, սկսեցի նկատել, որ ժամագործը ինձ ծանօթ է երևում: Միթէ՞ սա իմ վաղեմի ծանօթ՝ շողենաւի մեքենավարն է, որ ամենևին հմուտ մասնագէտի անուն չունէր: Ես դիտում էի, աչքիս չէի հաւատում: Նա մանրամասնաբար զննեց ժամացոյցի կազմութիւնը, ինչպէս արել էին և նախորդ վարպետները և յետոյ յայտնեց իւր որոշումը նոյն անպայման անձնապատանութեամբ:

— Ձեր ժամացոյցը, ասաց նա, չափազանց շատ շոգի է արտաբերում. պէտք է նախապահ լեզակը փակւի...

Համբերութիւնս այդտեղ հատաւ. բարկացայ և այնպէս սաստիկ վերան յարձակեցի, որ գլուխը իսպառ ջարդեցի, իրան մեռցրի և թաղեցի թշուառականին իմ հաշուով:

Իմ հանգուցեալ հօրեղբայր Ուիլեամը (Աստուած հոգին լուսաւորի) յաճախ ասում էր, որ լաւ ձին մինչև այն ժամանակն է լաւ ձի, քանի տնից

չէ փախել և որ լաւ ժամացոյցն էլ՝ մինչև այն ժամանակն է լաւ, քանի չէ ընկել կարկատողների ձեռքը: Նա առհասարակ զարմանում է, թէ ի՞նչ տեսակ են կարողանում աշխարհումս ապրուստ ձարել բոլոր անյաջող պղնձագործները, զինագործները, կոշկակարները, մեքենագործները զարբիները, և այլն և այլն: Եւ այդ բանի վերաբերմամբ՝ ոչով չէր կարողանում նորան մի կարգին պատասխան տալ:

[Faint, illegible text visible through the paper from the reverse side.]

ՓՐԿԱՐԱՐ ԶԱՅՆԸ

I

Աւելի քան հազար տարի ստրանից առաջ՝ Գերմանիայում մի շատ փոքրիկ թագաւորութիւն կար, որ միայն մի գաւառակ տեղ էր բռնել և այնքան աննշան էր, որ կարծես մի խաղալիք, մի դեղեցիկ խաղալիք թագաւորութիւն էր:

Նա շատ հեռու էր այն ժամանակներում ամենուրեք տիրող պատերազմական ոգուց, զանազան հակառակութիւններից, մրցումներից և փոթորիկներից: Ներքին կեանքը անցնում էր խաղաղ և հանդարտ. ժողովուրդը երկիւղած և պարզասիրտ էր: Թագաւորութիւնը վայելում էր բարերար խաղաղութեան խոր քունը և անվրդով հանգստութեան երջանկութիւնը: Այնտեղ չը կար ո՛չ մարդկային շարութիւն և ո՛չ սնապարծութիւն, ուստի այդ օրհնւած երկրում՝ չը կար ո՛չ թշնամութիւն և ո՛չ տառապանք:

Պատահեց, որ ծեր թագաւորը մեռաւ և գահն անտեց նորա մանուկ որդին՝ Հուբերտը: Սորան շատ սիրում էր ժողովուրդը և տեսնելով մանուկի բարու-

թիւնը, ազնուութիւնը և սրբութիւնը, ոգեւորում էր և նորան կուռքի տեղ էր պաշտում:

Մանուկ թագաւորի ծնունդի միջոցին աստղագէտները ուսումնասիրել էին աստղերի յայտնութիւնները և կարդացել էին երկնային լուսածածանչ մատեանի մէջ հետեւեալ պատգամատողերը.

«Հուբերտի տասն և չորս տարեկան հասակում տեղի կունենայ մի նշանաւոր դէպք: Այն արարածը, որի ձայնը ամենից հաճելի կը թւայ Հուբերտին, կը փրկի թագաւորի կեանքը: Նւ որքան ժամանակ էր որ թէ թագաւորը և թէ նորա ժողովուրդը կը յարգեն այդ արարածի ցեղը այս բարի ծառայութեան համար, այնքան ժամանակ էլ այս թագաւորական տունը ժառանգներ կունենայ, իսկ ժողովուրդը չի տեսնիլ ո՛չ պատերազմ, ո՛չ ժանտախտ և ո՛չ աղքատութիւն: Բայց պէտք է զգուշանալ սխալ ընտրութիւնից»:

Նրբ մանուկ թագաւորի տասներեք տարին լրացաւ, պետական զուշակաբանները միայն մի հոգսի անձնատուր եղան, այն է՝ թէ ինչպէս հասկանան մարգարէութեան վերջին խօսքերը: Արովհետև առաջին նախագաստութիւններից այնպէս էր երևում, որ փրկարար արարածը ինքն է իբան ընտրելու հարկաւոր ժամանակը. իսկ վերջնական նախագաստութիւնից զուրս էր դալիս, որ թագաւորն է նախապէս ընտրութիւն անելու և յայտնելու իւր համար ամենահաւանելի երգչի անունը և որ եթէ ընտրու-

Թիւնը խնաստուն կերպով արւած լինի, երգիչ կենդանին կը փրկի նորա կեանքը, տունը և ժողովուրդը. իսկ եթէ սխալ կատարւած լինի—սպառնում է մեծ վտանգ:

Տարւայ վերջումը զանազան կարծիքների թիւը մնաց միւսնոցը, ինչպէս որ սկզբումն էր: Բայց խոհական և պարզասիրտ անձերի մեծամասնութիւնը այն համոզումը ունէր, որ պէտք է ընտրութիւնը վաղորոք կատարել և որչափ վաղ՝ այնքան լաւ: Վասնորոյ հրաման էր արձակւած բոլոր հպատակներին, որ ով նոցանից որ և է երգիչ թռչուններ ունի, նորան ներկայացնի պալատի մեծ դահլիճը նոր տարւայ առաջին օրը՝ վաղ առաւօտեան:

Հրամանը կատարեց: Երբ ամեն բան պատրաստ էր, թագաւորը հանդիսաւոր կերպով դուրս եկաւ շրջապատւած պետական անձերով, որոնք հագած էին ճոխ ու շքեղ պալատական զգեստներ: Թագաւորը բազմեց ոսկեայ գահի վերայ և պատրաստուում էր իւր կարծիքը յայտնել. բայց յանկարծ նա բացականչեց.

— Բոլոր թռչունները, սակայն, միասին են երգում: Աղմուկը անտանելի է: Այս խառնաշփոթի մէջ ոչ ոք չէ կարող ընտրութիւն անել: Դուրս տարէ՛ք բոլորին և յետոյ մէկ-մէկ ներս բերէ՛ք:

Այդպէս էլ արին:

Թռչունները մէկը միւսի յետեւից փաշփայում և դիւթում էին թագաւորի լսելիքը և դուրս տար-

ւում հետեւեալներին տեղ տալու համար: Թանկագին ըստիները անցնում էին աննկատելի կերպով: Այդքան հրաշալի երգիչների բազմութեան մէջ թագաւորը դժարանում էր ընտրութիւն անելու: Բայց դժարութիւնը աւելի մեծանում էր սխալելու երկիւղից, որ ունէր թագաւորը իւր մէջ: Երկիւղը այնպէս ճնշել էր նորա դատողութիւնը, որ նա ինքը իւր ականջների վկայութեան չէր կարողանում հաւատաւ ընծայել: Թագաւորը ջղային էր դառնում կամաց կամաց և նորա երեսը ցոյց էր տալիս մեծ վրդովմունք: Այդ բանը նկատեցին նորա նախարարները և իրանց աչքերը չէին կտրում թագաւորից: Նախարարները միմեանց մէջ խօսում էին.

— Թագաւորը կորցրել է ինքնավստահութիւնը: Հանգիստ ուշիմութիւնը նորանից փախել է: Ով գիտէ, յանկարծ կը սխալել—այն ժամանակ և ինքը՝ և իւր տունը և ժողովուրդը վտանգի կ'ենթարկեն:

Իրեթէ մի ժամ թագաւորը լուռ նստած էր և յանկարծ յայտնեց.

— Յետ բերէք կանեփուկ թռչնիկին:

Կանեփուկը երգեց իւր ուրախ տաղը: Երգելու միջոցին թագաւորը արդէն քիչ էր մնացել, որ բարձրացնի գաւազանը, իբրև նշան իւր ընտրութեան, բայց կանգ առաւ և ասաց.

— Զէ, մի լաւ համեմատե՛ք, յետոյ: Բերէ՛ք այստեղ և տորդիկին: Թո՛ղ միաժամանակ երգեն:

Տորդիկին բերին: Երկու ձայնաւորները հնչեցրին միասին իրանց հրաշալի երգերը: Թագաւորը առաջ տատանուում էր. բայց շուտով սկսեց նորա կարծիքը կազմակերպել հաստատ կերպով և ամեն մարդ կարող էր այդ բանը կարդալ նորա երեսին: Մեծախորհուրդը նախարարների սրտերը լքցւեցին յուսով, արիւնը սկսեց ուրախ հոսել նոցա երակներում: Եւ թագաւորի գաւազանը արդէն կամաց-կամաց բարձրանալու վերայ էր, երբ...

Յանկարծ պատահեց մի խանգարիչ հանգամանք: Հէնց դռան առաջից լսեց մի էլի ձայն:

— Ահա-ոհ... քիւր... ահա-ոհ... ահա-ոհ...

Բոլորեքեան վրդովւեցին, կոտրւեցին և միևնոյն ժամանակը իրանք նեղացան իրանց վրդովմունքից:

Գորանից յետոյ իսկոյն ներս վազեց թեթևաշարժ, խելօք և չքնադագեղ մի գիւղացի աղջիկ ինն տարեկանաչափ, որի թուխ աչքերը փայլելում էին երեսնայական ոգևորութիւնով: Բայց երբ նա տեսաւ արքայական ատենանի նիստը և իշխանների տրտում դէմքերը, նա սառեց, գլուխը քաշ դձեց և աչքերին տարաւ իւր պատռոտած աղքատիկ գոգնոցի ծայրը: Այ ոք աղջկան չ'ողջունեց, ոչ ոք նորան չ'խղճաց: Այն ժամանակ նա արտասուքի միջով և գոգնոցի տակից նայեց երկիւղով և ատաց.

— Մեծ թագաւոր, ինչպէս եմ, ներքեւ իմ համարձակութիւնս, ես ոչ մի վատութիւն չեմ արել: Ես հայր-մայր չունեմ. բայց դոցա փոխարէն ունեմ

մի այծ և մի էշ, որոնք միայն ինձ են պատկանում: Այժս ինձ տալիս է համեղ կաթ. իսկ իմ սիրելի էշը... երբ լսում եմ նորա ձայնը՝ ինձ թւում է, որ աւելի քաղցր երաժշտութիւն չէ կարող լինել: Ուստի, երբ պալատական ծաղրածուդ յայտնեց, որ կենդանիների մէջից ամենալաւ երգիչը կարող է փրկել թագաւորին և մեր ժողովրդին, ես էլ վճռեցի իմ էշին բերել այստեղ...

Ժողովականները սաստիկ ծիծաղ և կոպիտ քրքրիչ բարձրացրին: Երեխան լաց եղաւ և դուրս վազեց՝ չը վերջացրած իւր խօսքը: Առաջին նախարարը առանձին հրաման արձակեց, որ աղջկան նորա չարաբաղդ էշի հետ միասին պալատի շրջակայքից բռնէ, արգելելով նորան, որ երբ և իցէ նա ոտք կոխի այդ տեղերքը:

Յետոյ կրկին վերանորոգեց թռչունների փորձը: Երկու ատոցեանները երգում էին հիանալի. բայց թագաւորի ձեռքում գաւազանը մնում էր անշարժ: Ներկայ եղողների սրտում յոյսը կամաց կամաց նւազում էր:

Անցաւ մի ժամ, անցաւ երկրորդը, իսկ թագաւորը վերջնական վճռի չէր դալիս: Թրք արդէն մթնում էր և պալատի շուրջը սպասող ամբոխը գժւում էր անյայտութիւնից և երկիւղից: Մութն ընկաւ, սուէրները խոացան:

Թագաւորը և նորա պալատականները մթութեան մէջ չէին կարողանում միմեանց ճանաչել: Բայց

ոչ ոք չէր վստահանում լուսթիւնը խանդարել, ոչ ոք կրակ չէր պահանջում: Հանդիսաւոր փորձը վերջացած էր և վերջացած անցաձող: Այդ պատճառով բոլորն էլ ուրախ էին, որ մթութեան մէջ նոցա դէմքերը չեն երևում և նոցա սրտին տիրող տրամու-
թիւնը աչքի չի ընկնում:

Վերջապէս—ուխո՛յ: Պալատական գաւիթներէ հեռու մի ծայրից հնչեց սոխակի հրաշափառ, զիւ և զիցանոյշ զեղբեղանքը, զիշերւայ խօսնակի ձայնը:

—Վճուած է, բացականչեց թագաւորը, խփեցէք զանդակները և յայտնեցէ՛ք իմ ժողովրդին, որ ընտրութիւնը կատարւած է և այն էլ անխալ: Ես, իմ տունը և ժողովուրդը փրկւած ենք: Այժմ և յաւիտեան: Սոխակը իմ բոլոր թագաւորութեան մէջ պէտք է մեծ չարգանք վայելի: Բացի այդ՝ յայտնեցէ՛ք բոլոր հպատակներին, որ ով նեղացնի կամ վնասի սոխակներին՝ կեանքից կը զրկուի: Այսպէս է հրամայում թագաւորը:

Փոքրիկ աշխարհը հիացմունքից կարծես հարփեց: Պալատում և քաղաքումը կազմեց ամբողջ զիշերը ճրագալոյց զւարճալի ճրագներից: Ամբօխը պարում էր, խմում էր և անդադար հնչող զանգակների հանդիսաւոր զգրգիւնին կցում էր իւր երգերը:

Այդ օրից սոխակը սուրբ թուշուն դարձաւ: Նորա երգը լսում է ամեն ամսից: Բանաստեղծները իրանց յօրինած քններում փառաբանում էին նորան: Նորա

քանդակը զարդարում էր ամեն մի կամար, աշտարակ, շաղրան կամ հասարակական շինութիւն:

Սոխակը ընդունւած էր թագաւորի խորհրդում և ոչ մի կարևոր պետական գործ չէր վճուում նախ՝ քան նա չէր կրկնում պետական սոխակի առաջ և գուշակողները չէին թարգմանում նախարարներին այն բոլորը, ինչ որ թուշունը իւր երգով յայտնում էր՝ իբրև գործին վճիռ:

II

Պատանի թագաւորը որսորդութիւն շատ էր սիրում: Երբ ամառը եկաւ, նա մի անգամ զնաց որսի, ունենալով հետը բազէ և շուն և իբրև որսակիցներ՝ իւր իշխանների փառաւոր խումբը:

Ինչպէս պատահեց՝ թագաւորը բաժանեց նոցանից և աննկատելի կերպով ընկաւ մի մեծ անտառ և թէև ըստ իւր համոզման՝ նա ընտրել էր ուղեկիցներին հասնելու համար ամենակարճ ճանապարհը, բայց նա զնում էր, զնում, սկզբում լի յոյսերով. սակայն յետոյ սկսեց երկմտել և թուլանալ:

Սութն ընկաւ. իսկ թագաւորը դեռ թափառում էր ամայի և անծանօթ տեղերում: Յետոյ՝ յանկարծ մի մեծ փորձանք էլ վերաց հասաւ:

Անտառի աղօտ լուսով նա քշեց իւր ձին խիտ բուսած ծառերի և ձիւղերի մէջը և յանկարծ տեսաւ իրան սեպաձև և ժայռոտ վիհի բերանում. բայց արդէն ուշ էր: Երբ ձին իւր հեծեալի հետ

զրուեցին ձորախուռոչը, երևաց, որ կոտորել է ձիու վիզը, իսկ թագաւորի ոտը: Դժբաղդ գահակալը ընկած էր գետնին, տանջոււմ էր անտաննչի ցաւով և ամեն մի ժամը նորան թւում էր մի մի երկայն ամիս: Նա ամեն կերպ լարում էր իւր լսողութիւնը, աշխատելով որսալ մի որ և է ձայն, որ կարողանար նորան ազատելու յոյս տալ. բայց չը լսեց ոչ մի ձայն, ոչ մի եղջիւրի կոչ, ոչ շների հաչոց: Այն ժամանակ, կորցնելով բոլոր յոյսը, թագաւորը սասաց.

— Ե՛հ թող գալիս է գայ մահը, միևնոյնն է մի օր նա լինելու է:

Այդ իսկ րոպէին սոխակի զիւ, արծաթի ձայնը հնչեց գիշերեաց անվրդով անդորրութեան մէջ:

— Փրկւած եմ, բացականչեց թագաւորը, փրկւած եմ: Նա սուրբ թռչունն է և ձիշղ դուրս եկաւ մարգարէութիւնը: Կրանք ասուածները ինձ հովանաւորել էին, որ ես սխալ չանեմ:

Նա խեղդոււմ էր յանկարծակի ուրախութիւնից և չէր իմանում, ինչպէս յայտնէր իւր գոհութիւնը: Այժմ նորա ականջին կարծես թէ ձայներ էին հասնում, ձայներ, որ նորան օգնելու էին գալիս, բայց յետոյ սկսեց կամաց կամաց հիասթափուել... օգնութիւն ոչ մի կողմից չէր երևում:

Կրկին սկսեցին տաղտկալի, երկայն սպասողական ժամեր թագաւորի համար: Օգնութիւն չը կար թէև սուրբ թռչունը շարունակում էր երգել: Նա մտածեց, որ միթէ նա սխալ ընտրութիւն է արել,

սակայն աշխատեց իւր մէջ թմրացնել այդ կասկածի զգացմունքը:

Արշալոյսի մօտերքը սոխակը դադարեց: Առաւօտը բացեց և նորա հետ էլ երևան եկան տանջւած մարմնի ծարաւը և քաղցը: Իսկ օգնութիւն չը կար դեռ: Սրը անցաւ. մօտենում էր մթնանալուն: Վերջապէս՝ թագաւորը բարկութիւնից անիծեց սոխակին:

Նորանից յետոյ լսեցին անտառի միջից տորդիկի զայլալիկները: Թագաւորը մտածեց ինքն իրան, որ նա գուցէ սխալ է ընտրել: Այժմ գուցէ օգնութիւնն էլ գայ:

Օգնութիւնը սակայն չէր երևում դեռ: Թագաւորը այնուհետև մի քանի ժամ էլ պառկեց անզգայ դրութեան մէջ: Երբ որ նա զարթնեց, լսեց կանեփուկի կրգելը: Թագաւորը նորան լսում էր սառնասիրտ: Նա հաւատը կորցրել էր: Նա մտածեց.

— Այս թռչունն էլ ինձ չի փրկելու, ես, և տունս և ժողովուրդս կորած ենք իսպառ:

Դժբաղդը շուռ եկաւ միւս կողքի վերայ և պատրասեց մեռնելու, որովհետև քաղցածութեան, ծարաւի և ցաւերի տանջանքները մտածել էին տալիս մահւան մասին: Եւ հէնց ուզում էլ էր մեռնի, որպէս զի ազատւի տանջանքներից: Վիրաւորը երկայն ժամեր պառկեց զրկւած յիշողութիւնից, զգացմունքներից և շարժումներից:

Վերջապէս զիտակցութիւնը նորից վերադարձաւ:

Երբորդ առաւօտն էր լուսանում: Ահ, որչափ հոյակապ երևաց նորա յօգնած աչքերին լոյս աշխարհքը: Եւ պատանու սրտում եռաց ապրելու սատուիկ ցանկութիւն, և այդ սրտի խորքից ջերմ աղօթք բղխեց դէպի նախասնամութիւնը, որով զթութիւն էր աշերտւում և ապրելու ու բարեկամներին տեսնելու ողորմութիւն:

Այդ իսկ վայրկեանին հեռու տարածութիւնից հասաւ նորա ականջին խուլ, քնքոյշ և անորոշ, բայց նորա կարօտ քաշած լսելիքին համար անասելի քաղցր մի ձայն.

— Ահա-ոհ... քիւր... ահա-ոհ... ահա-ոհ... քիւր...

— Այ, ահա մի ձայն, որ անհամեմատ աւելի հաճելի է ինձ համար, քան սոխակի, տորդիկի և կանեփուկի ձայները: Նա իւր հետ բերում է ո՛չ միայն յոյս, այլ և օգնութեան հաւատ. և ե՛րբ ահա՛ ես ինձ կարող եմ իսկապէս փրկած համարել: Սուրբ երգիչը ինքն է իրան ընտրել, ինչպէս նախասահմանել էր պատգամախօսը: Մարգարէութիւնը կտտարւեց— և իմ կեանքը, իմ տունը և ժողովուրդը փրկած են: Այսուհետեւ էլը պէտք է լինի սուրբ երգիչ:

Փրկարար մեղեդին քանի զնում էր՝ մօտենում էր, դառնում էր բարձրածայն և խեղճ վիրաւորի լսելիքը փայփայտում էր հաճելի: Եւ միևնոյն ժամանակը խելօք աւանակը իջնում էր սուր զառիվայր

ժայռից, ճանապարհին մէկ-մէկ խոտ կտրելով և ուրախ աղաղակելով:

Տեսնելով սատկած ձիուն և վիրաւոր թագաւորին, էլը կանգ առաւ, մօտեցաւ և նրանց հոտոտեց պարզասիրտ և զարմացական հարցասիրութիւնով: Թագաւորը փայփայեց բարի կենդանուն: Իսկ սա իջաւ ծնկների վերայ, ինչպէս նա սովոր էր այդ անել իւր մանուկ-տիրուհու համար:

Մեծ դժւարութեամբ և շարշարանքով թագաւորը բարձրացաւ էլի մէջքը և բռնեց նորա ականջներին: Ելը ճանապարհ ընկաւ, շարունակելով իւր երգը և հասցրաւ թագաւորին զիւղական աղջկայ տնակը: Աղջիկը իւր տեղը, իւր մահիճը տւաւ թագաւորին և նորան կազդուրեց այժի կաթով: Յետոյ վազեց յայտնելու, ում որ կարողանում էր պատահել թագաւորին որոնող խմբերից, այս դէպքի մասին:

Թագաւորը լաւացաւ: Նորա առաջին զործնեղաւ յայտարարել էլին սուրբ և անմատչելի կենդանի, երկրորդ— զձեւ այդ յարգելի չորքոտանուն իւր խորհրդականների դասը և նշանակել նորան առաջին պետական նախարար: Երբորդ՝ հրովարտակով նահրամայեց ամենուրեք ոչնչացնել սոխակի քանդակները և փոխարինել նրանց սուրբ աւանակի արձաններով և նկարներով և վերջապէս, չորրորդ, հրովարտակով յայտնեց, որ երբ որ փօքրիկ զիւղական աղջկայ տան և հինգ տարին լրանայ, նա պէտք է դառնայ թագաւոր: Եւ թագաւորը իւր խոստումը կատարեց:

Այսպէս է ասում գերմանական աւանդութիւնը: Կորանով բացատրում է՝ թէ ինչու այնտեղի հին, խարխուլ պատերը և կամարները զարդարած են ժամանակի հոսանքից փչացած էշի նկարներով: Աւանդութիւնով նոյնպէս պարզում է՝ թէ ինչու դարերի ընթացքում էլը եղել է նախագահ-նախարար այս թագաւորութեան պետական խորհրդում, ինչպէս այդ հանգամանքը տեղի ունի մինչև այժմ և պետական խորհուրդներից շատերում: Աերջապէս բացատրւում է և այն, թէ ինչու այս փոքրիկ թագաւորութեան մէջ դարերի երկայն ժամանակում բոլոր մեծ բանաստեղծները, բոլոր նշանաւոր ճարտասանական ձառերը, բոլոր յայտնի շարադրութիւնները, բոլոր հանգիսաւոր ժողովները և բոլոր պետական մատենաները միշտ սկսւում են այս ոգևորիչ ձևերով:

Ահա-ոհ... քիւր... ահա-ոհ... ահա-ոհ... ահա-ոհ... քիւր... ահա...

ՍԱՓՐԻՉՆԵՐԻ ՄԱՍԻՆ

Ամեն բան աշխարհումս փոխւում է, բացի սափրիչներից, նոցա վարեցողութիւնից և սոփորութիւններից: Դա երբէք չի փոխւում: Ինչ որ մարդ սափրասենեակում տեսել է առաջին անգամը այնտեղ մտնելուց, այն միւլենոյնն էլ, առանց առաջադիմութեան, նա կը տեսնի և յետոյ, մինչև իւր կեանքի վախճանը:

Այսօր առաւօտեան ես գնում էի, ըստ իմ սոփորութեան, երեսս ածիլել տալու: Ես տեսայ, որ սափրատանը մի մարդ է արդէն մտնելում միւս փողոցից, մի հանգամանք, որ զարմանալի կերպով միշտ պատահում է: Ես քայլերս մեծացրի. բացց նպատակիս չը հասայ: Պարոնը մտաւ դռնամէջը հէնց այն բուրդի, երբ ես հասել էի նոյնպէս դռանը: Ես մտայ նորա ետեւից. բացց նա արդէն բռնեց միակ ազատ մնացած աթոռը, որի մօտ կանգնած էր սափրիչը:

Եւ այդ միշտ այդպէս է պատահում: Ես նստեցի սպասելու, յուսալով, որ կը կարողանամ միւս երկու սափրիչներից բռնել նոցանից աւելի վարպետի

աթուղ, որովհետև այդ «աւելի վարպետը» սկսել էր արդէն իւր մուշտարու մագերը սանրել, մինչդեռ նորա ընկերը դեռ օծում էր իւր ջանախորդի մագերի խոպոպները:

Ես մեծ հետաքրքրութեամբ հետևում էի սափրիչների գործողութեան: Երբ ես նկատում էի, որ № 2 սափրիչը առաջ էր ընկնում, իսկ № 1-ը կանգ էր առնում մի րոպէ, խօսքի բռնելով խանութը մտնող ապրանք առնողների հետ և թողնում էր իւր ձեռքի գործը, ես հասարակ կասկածից անցնում էի վրդովւած դրութեան: Իսկ երբ № 1-ը վերջապէս դարձաւ իւր գործին իւր ընկերին հաւասարեց և արդէն բաց էր անում ջանախորդից սրբիչը և նորա թշերից սրբում էր պուզը, որից յետոյ նոցանից մէկը աւելի վաղ պէտք է ասէր «գայ հետեւեալը», — ես անչայտութիւնից սկսեցի կարծես խեղդել:

Իսկ երբ ամենավճռական վայրկեանում՝ № 1-ը սկսեց խոզանակով ուղղել իւր պարոնի ունքերը, ես իմացայ, որ այդ վայրկեանով նա կորցրաւ իւր առաջնութիւնը և ես այնպէս սաստիկ զայրացայ այդ բանից, որ դուրս եկայ սափրասենեակից, որպէս զի շքեղանեմ № 2-ի ձեռքը, որովհետև ես այնքան ամուր բնաւորութիւն չունեմ, որ սափրիչին ասեմ՝ թէ ես նորան չեմ ուզում, այլ սպասելու եմ, մինչև միւս սափրիչը ազատուի:

Ես փողոցում կանգնեցի մօտ տասնևհինգ րոպէ

և դարձայ չուսալով, որ այժմ ցանկացածիս կը հասնեմ խփոյն: Սակայն այժմ բոլոր տեղերը բռնւած էին և դեռ մի չորս պարոն էլ նստած սպասում էին, լուռ, անխօս, բարկացած և տխուր, ինչպէս որ լինում են սափրատանը նստած և հերթին սպասող ջանախորդները:

Ես նստեցի մի կոշտ, հին գահաւորակի վերայ և զբաղւեցի ընթերցանութիւնով: Ես կարդում էի շրջանակներում դրած զանազան յայտարարութիւնները, որոնք անխիղճ կերպով փառաբանում էին մագեր ներկելու չը զիտեմ ինչ դեղեր, նայում էի շիշերին կպցրած ցուցադրերը, ուսումնասիրում էի պատերին կպցրած, պատերազմական աժան պատկերների աղտոտած և պատռոտած մնացորդները, նախագահների, հեշտասէր թեք ընկած սուլթանների, անհամ և միշտ երիտասարդ աղջիկների՝ պատկերները և անիծում էի ուրախ դեղձանիկին և բարձրագոյ թութակին, որոնք համարեա ամեն մի սափրատան անհրաժեշտութիւնն են կազմում: Երբ այդ բոլորից զգւեցի, սկսեցի թերթել անցեալ տարւայ պատկերազարդ թերթի քիչ պատռոտած համարները, որոնք անկարգ թափւած էին աղտոտ կոշոր սեղանի վերայ և խորասուզւեցի հին, անցած-դնացած եղելութիւնների անձուների պատկերների աշխարհը:

Վերջապէս հասաւ և իմ հերթը: Լուեց սափրիչի ձայնը: «գայ հետեւեալը» և ես ընկայ հէնց էլի № 2-ի ձեռքը: Այդ միշտ այդպէս է պատահում: Ես

համեստ ձայնով նկատեցի, որ շտապում եմ. բայց նա խսկի այնուամբ չը գցեց: Յետ տարաւ գլուխս և վզիս տակից կապեց անձեռոցիկը: Յետոյ մատներով կոխեց սրբիչը օձիքիս տակը: Նոյն մատներով նա խառնեց իմ մազերը և յայտնեց, որ պէտք է նորանց խուզել: Ես պատասխանեցի, որ չեմ ուզում խուզել ապ: Նա դարձեալ մատներով վերի վայր արաւ մազերս և ասաց, որ ներկայ հանգամանքներին նայած՝ չափազանց նոքա երկայն են և պէտք է կարճացնեն. նա մանաւանդ ետեւի կողմից: Ես բացատրեցի, որ միայն մի շաբաթ է, ինչ ես խուզել եմ տեւ մազերս: Սափրիչը մի վայրկեան տխուր մտածմունքի մէջ ընկաւ և յետոյ մի տեսակ նախանձոտ արհամարհանքով հարցրեց.

— Ո՞վ է խուզել:

Ես նորան իսկոյն հանգստացրի՝

— Հէնց գուռ ինքներդ:

Յետոյ սկսեց փրփրացնել սապոնը, երբեմնապէս կանգ առնելով և հայելուն մտենալով, որպէս զի լաւ տնտղի կամ իւր կերպարանքը կամ մի որ և է պուզուկ: Յետոյ սապոնեց վերից մինչև ներքեւ երեսին մէկ կէսը և ուզում էր սապոնել միւս մասն էլ, երբ ջանկարծ նորա ուշքը զբաւեց շների մի կռիւ: Նա վազեց լուսամուտի մօտ և կանգնեց այնտեղ, զւարձանալով կուր տեսքով, մինչև որ զբաղ չեկաւ միւս երկու սափրիչների հետ և երկու շիլինգ տանուլ չը տուաւ: Այս դէպքը ինձ մեծ ուրախութիւն պատ-

ճառեց: Նա վերջացրեց սապոնելը և աւելորդ փրփուրները սկսեց ձեռքով թռցնել դէն:

Իորանից յետոյ սկսեց երկայն ժամանակ ածելին սրել մի ինչ որ հնացած կաշու վերայ և շարունակելով այդ սրելը՝ նա պատմեց նախընթաց երեկոյի ժողովրդական զիմակահանդէսի մասին, որտեղ նա ինքը եղել է՝ վերան զցած կարմիր ծիրանի, որի շրջակարը սպիտակ աքիսի մորթից է եղել, ինչպէս այդ վայել է թագաւորներին: Նորա ընկերները ակնարկներ արին՝ թէ մի տիկին հիացած է եղել զիմակաւոր թագաւորից. սափրիչս՝ թէև ասաց, որ նորա ընկերները նորան ձանձրացրին այդ ակնարկներով, բայց ինքը շատ ուրախ էր այդ վայրահաշուութիւնից և ուզում էր, որ նա շարունակէ:

Այս հանգամանքը նորան զրդեց մի անգամ ևս նայելու հայելուն: Նա ածելին վայր դրաւ և իւր մազերը սանրեց, ձակատի վերայից մի խոպոպ յետ տանելով և մի նուրբ զուգաչափութեամբ քունքի մազերը սանրեց ականջների վերայ: Մինչ այս մինչ այն՝ իմ թշերին քսած սապոնը չորացաւ, և ըստ երևութիւն, ծծւեց կաշուի մէջ:

Վերջապէս սափրիչս սկսեց ածիլել, նախօրոք մատները պարզելով իմ երեսի վերայ, որ տարածի կաշին, և անդադար զլուխս պտտեցնելով այս ու այն կողմ, ինչպէս նա չարմար էր դատում: Քանի որ նա երեսին կողքի մասերումն էր, ես չարչարում չէի: Իսկ երբ նա սկսեց ծնօտս քերել, քերթել և մաշ-

կել, պէտք է խոստովանեմ, արտասուքը լքցրաւ աչքերս:

Յետոյ սափրիչը բռնեց թիցս, որպէս զի ապահով կերպով կարողանայ ածելել վերի շրթունքիս անկիւնը: Այս հանգամանքի շնորհիւ, ես մի գիւտ արի. ես համոզեցի, որ սափրիչիս պարտաւորութիւնների մէջն է եղել և նաւթի լամպարների սրբելը (նաւթի հոտը ես կարողացայ ձանաչել): Իսկ առաջ ես թեթեամաբար ինձ հարց էի տալիս, արդեօք ո՞վ էր այդ բանը կատարում՝ սափրիչները թէ նոցա տէրը:

Միւսնոյն ժամանակը ես զուշակութիւններ էի անում, թէ որտեղ է սափրիչս բարեհաճելու երեսս կտրելու, բաց նա իմ վճռից առաջ ընկաւ և նախ, քան ես կը կարգաւորէի մտածմունքներս, նա թըռցրաւ ծնոտիս կաշու մի կտորը:

Վորանից յետոյ՝ սրեց ածելին, որ ի հարկէ՝ նա կարողէր կտրելուց առաջ անել: Պէտք է ասեմ, որ ես չեմ սիրում շատ տակուց ածելիլը և չէի ուզում թոյլ տալ, որ նա երկրորդ անգամ ինձ քերթի: Ուստի համոզում էի նորան, որ նա թողնի անտանելի գործիքը: Ես երկիւղ էի կրում, որ նա ածելին պատրաստում է իմ ծնոտի այն մասի համար, ուր մի փոքրիկ բշտիկ կար, որի ածելիլը կրկնելուց շատ պէտք է դաւէր: Բաց սափրիչը հանգստացրաւ, ասելով, որ նա պէտք է միայն փոքր ինչ հաւասարեցնի և հէնց այդ վայրկեանին՝ դիպաւ արգելած տեղին:

Ինձ վախեցնող կտրածքը տեղի ունեցաւ և սկսեց սաստիկ ցաւ:

Այդ ժամանակ իմ չարչարողը թաթախեց սրբիչը դափնեաբալի հեղուկի մէջ և սկսեց նորանով սւաղել երեսս. հարցնող լինի թէ երբ և իցէ մէկը աշխարհումս այդ տեսակ լւացե՞լ է իւր երեսը: Յետոյ սկսեց սըրբիչի չոր մասով հարել երեսս, կարծես թէ երբ և իցէ աշխարհումս մէկը այդ տեսակ սրբել է իւր երեսը: Բաց սափրիչները քիչ դիտեն քրիստոնէաբար երես սրբելը:

Այնուհետև նա նորից թացացրեց կտրած տեղը, ածեց վերան պուզը, կրկին թացացրեց և երևի անվերջ կը թացացնէր և պուզը կ'ածէր, եթէ ես վճռողաբար չը բողբէի: Այն ժամանակ թշուառականը վերջին անգամ պուզը ածեց երեսիս, յետոյ բռնեց մագերս խուրձի նման և սկսեց խառնվինթորել, վերիվայր անել: Յետոյ առաջարկեց ինձ, որ լւանալ տամ գլուխս սապոնաջրով և սկսեց հաւատացնել, որ իմ մագերի համար դա շատ կարևոր է: Ես պատասխանեցի, որ երեկւոյ օրը ինքս լաւ լւացել եմ բաղնիսումը: Աւրեմն կրկին նորա խօսքը կտրեցի:

Բաց սափրիչս ձեռք չը վեր առաւ և առաջարկեց ինձ մի ինչ որ ամագերի համար կախարդական հեղուկ: Ես մերժեցի: Այն ժամանակ՝ նա սկսեց գոգնել «տուալետի հրճանք» անունով նոր մի օծանելիք, որ ուզում էր ինձ վերայ կայցնել: Արկին մերժեցի: Բաց նա յետ չը կացաւ ինձնից և առաջարկեց մի ինչ որ

իւր հնարած անպիտան ատամնադեղ: Երբ որ այդ էլ չը գնեցի, նա ինձ առաջարկեց, որ գոնէ մի զմեկի գնեմ:

Այս առուստուրի անաջողութիւնից յետոյ, նա չը լսելով բողոքիս՝ ինձ ոտից մինչև գլուխ սրսկեց հօտաւէտ հեղուկով, մազերս տեղահան արաւ և բաւական էլ դուրս հանեց արմատից, իսկ մնացածները սանրեց, կարգին ճղեց և հարթեց:

Վերջապէս երբ նա սկսեց իմ նոսր ունքերս էլ սանրել և շարունակել իւր լեզւագարութիւնը—ես լսեցի կէսօրուայ զանգը և այդտեղ սրտի ցաւով իմացայ, որ հինգ րոպէ ուշացել եմ երկաթուղու գնացքից: Այդ ժամանակ միայն նա հանեց վզիցս սրբիչը, զգոյշ թափ տւաւ երեսիս վերայ եղածը, մի անգամ էլ խոզանակը խաղացրեց ունքերիս վերայով և ուրախ բտցականչեց.

— Գայ հետևեալը:

Այս միևնոյն սափրիչը երկու ժամից յետոյ յանկարծ ուշաթափուեց և մեռաւ կաթւածից:

Ես չարախնդացութեամբ ուզում եմ վրէժս առնել նորանից. ուստի վճռել եմ գնալ նորա թաղման:

X ՆՈՐ ՔՐԷԱԿԱՆ ՄԻ ԲԱՌ

Վերջին տասնեակ տարիներում դատաստանական աշխարհը երևան հանեց խելագարութեան շատ զարմանալի դէպքեր, որոնց մասին առաջ չիշատակուում էր միայն պատմութեան մէջ¹⁾:

I

Մի այդպիսի դէպք տեղի ունեցաւ, զորօրինակ, սորանից քսան և երկու տարի առաջ յանցաւոր Բօլդուինի գործում:

Բօլդուինը երեխայութիւնից սկսած յայտնի էր, իբրև շարասիրտ, քինասպահ և կոււարար մի անձ: Մի անգամ նա մի տղայի աչքը հանեց և այնպէս մարսեց այդ բանը, որ ոչ ոք չէր կասկածիլ անգամ՝ թէ նա երբ և իցէ զղջալու հակում ունեցած լինի: Եւ քանի քանի այդ տեսակ անգութ գործեր էր նա կատարել:

¹⁾ Տուէնը ալստեղ ծաղրում է այն դատերը, երբ լանցաւորներին արդարացնում են խելագարութեան պատրուակով կամ երբ իսկական խելագարութիւնները պատժի են ենթարկում:

Բայց վերջապէս մի անգամ նա իրան թող տւեց մի արտաքոյ կարգի վարմունք: Մի օր երեկոյցեան, իսկոյն մութն ընկնելուց յետոյ, նա կանգ է առնում մի տան առաջ, զանգահարում է և երբ տան տէրը երևում է գռնամէջ, Բօլղուինը արձակում է նորա վերայ ատրճանակը, նորան վայր գծում և պատրաստում է փախչելու. բայց իսկոյն բռնուում է:

Ինչ երկու օր այդ դէպքից առաջ, նա իւր զւարճութեան համար վիրաւորած է եղել մի անգամալոյծի անպատիժ կերպով:

Այս տեսակ անձ էր Բօլղուինը: Նորա գործը շարունակում էր երկայն ժամանակ և մեծ աղմուկ էր հանում: Բոլոր համայնքը սաստիկ զայրացած էր Բօլղուինի վերայ: Նստերը ասում էին, որ բաւական է, որչափ այդ խտասիրոտ և անողոք շարագործը վիշտ է պատճառել իւր կեանքի ընթացքում, այժմ նա պէտք է օրէնքի առաջ պատասխանի և պատժւի:

Բայց այդ ասողները սխալել էին:

Իուրս եկաւ, որ Բօլղուինը իւր յանցանքը գործելու ժամանակը խելագար դրութեան մէջ է եղել: Արդարացնելու հնարը գտնւած էր:

Պաշտպանը աշխատում էր ապացուցանել, որ Բօլղուինը սպանութեան օրւայ առաւօտեան ինն և կէս ժամին խելագարել էր և այդ դրութեան մէջ մնացել ճիշդ տասն և մէկ ժամ ու կէս:

Այս հանգամանքը մեղմացրեց գործած յանցանքը և հերոսը հրատարակեց արդարացրած:

Ուրեմն, եթէ դատաստանը, դիցուք, ուշադիր եղած լինէր գրգռւած տգէտ համայնքի ձայնին, նա պէտք է սխալմամբ սոսկալի պատժի ենթարկւած լինէր մի խեղճ մարդու, որ միայն կարճատև խելագարութիւն է ստացած եղել:

Բօլղուինը դուրս եկաւ դատաստանից մաքուր, ինչպէս աղաւնի: Եւ թէև ազգականները և ծանօթները ըստ պարտականութեան բարկացել էին համայնքի վերայ, սորա կասկածների և կարծիքների պատճառով, այնու ամենայնիւ բանը քնացրին, իրանց բարկութիւնը տեղ չը հասցրին և համայնքը չը հալածեցին:

Բօլղուինների ազգը շատ ունևոր և հարուստ էր:

Այս դէպքից յետոյ երկու անգամ էլ կրկնեց Բօլղուինի խելագարութիւնը և երկու անգամուսն էլ նա սպանեց այնպիսի մարդկանց, որոնց հետ քէն էր ունեցել: Իւրաքանչիւր դէպքում սպանութեան կից պարագաները այնպէս ծանրացնում էին մեղը և եղեռնագործութիւնը կատարել էր այնպիսի անզուժ և նենգ կերպով, որ եթէ Բօլղուինի խելագարութեան անունը չը լինէր, նորան կախած պէտք է լինէին առանց այլևայլութեան:

Այն էլ սակայն ասեմք, որ այդ արդարանալը շատ էլ հեշտ գլուխ չ'եկաւ: Առաջին յանցանքից ազատւելու համար հարկաւոր եղաւ նորա հասարակական և տոհմական դիրքի ազդեցութիւնը, իսկ

բարեկամները իրանց վիրաւորւած են զգում այս դէպքից:

Անկարելի է, սակայն, հաղորդել խելագարութեան այն զարմանալի դէպքերը, որ վերջին երեսուն քառասուն տարիներում զբաղեցրել է հասարակութեան ուշադրութիւնը:

III

Այժմ պատմենք մի քանի ուրիշ տեսակ դէպքեր էլ:

Երեք տարի առաջ, զօրօրինակ, քննուում էր Ջիւրջիին գործը, որ կայացած էր հետեւեալում: Ջիւրջին անունով մի աղախին մի խուլ և մութ դիշեր մանում է իւր տիկնոջ ննջարանը և դանակով մաս մաս է անում խեղճ կնոջը: Յետոյ մարմինը քաշ է տալիս սենեակի մէջ տեղը, ոտով կոխտուում, աթոռներով ծեծում և ամեն կերպ ջարդում: Յետոյ չարագործը պատուում է մի փափուկ բարձ, միջի փետուրը դուրս թափում սենեակի մէջը, վերան ածում նաւթ և վառում, որպէս զի իւր շանցանքի հետքը ծածկի:

Յետոյ վեր է առնում սպանւած տիկնոջ փոքր երեխային իւր արիւնաթաթախ ձեռքերը և, դուրս գալով տնից, վազում է ոտաբորիկ ձիւնի վերայով մի հեռու ծանօթի տուն և այնտեղ հնարում է մի անհաւատալի, անմիտ պատմութիւն, իբր թէ օտար մարդիկ եկել են նորա տիկնոջ տունը և կրակ տել:

Յետոյ սկսում է աղեկտուր լաց լինել և չը մտածելով, որ նորա ձեռքերի և շորերի վերայ եղած արիւնը կարող է կասկած յարուցանել, անզգուշաբար ակնարկներ է անում, որ նա երկիւղ է կրում, թէ մի գուցէ այն մարդիկը սպանած լինեն նորա տիկնաջը:

Շատ հարց ու փորձերից, աղախնի սեփական ցուցումներից և վկաների տւած տեղեկութիւններից բոլորովին պարզ կերպով հաստատուում է, որ տիկինը միշտ բարի է եղել դէպի իւր աղախինը և որ սպանութեան գործում ոչ մի վրէժի նշոյլ անգամ չէ եղել. նոյնպէս պարզում է, որ աղախինը ոչ մի բան չէ վեր առել կրակ տւած տնից, մինչև անգամ ինքը առանց կոշիկի է դուրս պրծել, այնպէս որ կողովտելու էլ մտադրութիւն չէ ունեցել:

Ընթերցողը այժմ երևի մտածում է՝ թէ այստեղ արդէն անկասկած խելագարութեան դէպք է: Բայց հէնց այս անգամ նա կը սխալւի:

Յանցաւոր աղախնի պաշտպանութեան համար ոչ ոք ծպտուն չը հանեց, խելագարութեան անունը չը լիշեց: Դատաստանը որոշեց խիստ պատիժ: Չը գտնեց մէկը, որ նահանգապետին զիմէր՝ պատիժը թեթեւացնելու համար և շանցաւորը կախեց խկոյն:

IV

Մի քանի տարի սորանից առաջ հրատարակւած էր լրագիրներում մի պատանու բերանից քաղած հետաքրքրաշարժ մի խոստովանութիւն: Ակըզ-

բից մինչև վերջը այդ խոստովանութիւնը մի անկապ,
խառնիքն թոր ցնորաբանութիւն էր, ինչպէս և նորա
այն երկայն ճառը, որ արտասանել էր կառավանատե-
ղում՝ կախեցուց առաջ:

Այդ պատանին բոլորովին անբացատրելի պատ-
ճառով որոնում է եղել այնպիսի մի հնար, որ տգե-
ղացնի մի ջահիլ աղջկայ երես, որ ոչ ոք չը ցանկա-
նայ նորա հետ պսակել: Ինքը սիրում չէ եղել
աղջկան և մտադիր չէ եղել հետը պսակելու. բայց
և չէ ցանկացել թոյլ տալու, որ մի ուրիշը պսակւի:

Նա չի համաձայնում եղել աղջկայ հետ մի որ
և է տեղ գնալ զբօսնելու, բայց և ոչ ոքի էլ թոյլ
չի տալիս եղել օրիորդին ուղեկցելու:

Մի անգամ պատանին հրաժարւում է այդ
աղջկայ հետ հարսանիք գնալուց. բայց երբ տեսնում
է, որ աղջիկը մի ուրիշ երիտասարդի հետ գնացել
է, ինքն էլ գնում է և ճանապարհին սպասում է,
որ պատահի զոցա կառքին և կամ աղջկան ստիպի
յետ դառնալ կամ թէ նորա ուղեկցին սպանի տեղն
ու տեղը:

Աղջկայ երեսը տգեղացնելու միտքը ամբողջ
տարի նորան հալածում է եղել: Եւ վերջապէս նա
սկսում է իրագործել և յաջողեցնում է իւր մտա-
դրութիւնը:

Մի անգամ, երբ աղջիկը նստած է լինում
ընթրիքի իւր ծնողների, եղբայրների և քոյրերի
հետ, չարագործը մտադրւում է այնպէս խփել ատրը-

ճանակը, որ չը վնասելով առողջութեան՝ խաղիւզի
փոքր ինչ թուշը և տգեղացնի դէմքը. բայց դժբաղ-
դաբար գնդակը մի քիչ թեքւում է և աղջկան
սպանում:

Սպանողը մինչև իւր կեանքի վերջին վայրկեանը
մեղալիրում էր ճակատագրական այն բերմունքը, որ
ստիպել էր աղջկան շուռ տալ իւր երեսը հէնց ուղիղ
հարւածի ժամանակը: Եւ մինչև վերջն էլ՝ նա հա-
մոզած էր, որ աղջկայ մահւան պատճառը ինքը
աղջիկն է եղել:

Այս անկասկածելի խելագուրկը կախեց:
Բայց խելագարութեան խնդիր չը յարուցեց:

V

Ինչպէս երևում է՝ խելագարութիւնը աշխար-
հումն բազմանում է, իսկ յանցանքը անհետանում:
Այժմ՝ էլ սպանողների անուն չենք լսում:

Առաջւայ ժամանակները, եթէ դուք մի մարդ
էիք սպանած լինում, կարող էր պատահել, որ
ձեր խելքը գլխներիդ չէ եղել. իսկ այժմ, եթէ դուք
լաւ տոհմի զաւակ էք և հարուստ, ձեր վարմունքը
հէնց ինքը—կը համարւի ապացոյց ձեր խելա-
գար լինելուն:

Նոյնպէս էլ՝ եթէ մի լաւ տոհմի անգամ, որ
բարձր հասարակական դիրք ունի, եթէ մի բան զողա-
նայ, նորան պաշտպանող փաստաբանը վերագրում է
այդ վարմունքը մոլութեան, առանձին հիւանդոտ

սովորութեան կամ ուրիշ խօսքով՝ մի տեսակ խելագարութեան:

Եթէ բարձր դիրք ունեցողին մէկը վասնում է իւր կարողութիւնը անբարոյական վարքով և վերջացնում է իւր կեանքը թոյնով կամ գնդակով, նորա մասին ասում են, որ նա ենթարկւած է եղել մտաւոր ընդունակութիւնների ժամանակաւոր շեղումին:

Արդե՞օք խելագարութեան վերագրելը չափազանցութեան չէ հասել: Արդե՞օք նա զէնք չէ դարձել անբարեխիղճների ձեռքին:

Վերջին ժամանակներս ամենայն մի սպանող այնպէս է դուրս բերւում, որ եղեռնագործութիւնը կատարելուց առաջ՝ իբր թէ նա եղել է խելագարութեան ենթակայ:

Բաւական է, որ յանցաւորը խօսք բաց անի աստղների մասին, իսկոյն վճռում են, որ նա խելագար է: Եթէ նա լաց եղաւ իւր վիճակի վերայ, բարեկամները զլուխները թափ են տալիս մի տեսակ երկիւղով, որով ուզում են ասել, թէ ջբանը վատ է, խելքը կարծես տեղումը չէ: Եթէ յանցաւորը սպանութիւնից յետոյ շփոթւած է լինում, կասկածոտ և անհանգիստ, նա առանց այլ և այլութեան դատւում է խելագարների շարքում:

Իսկն ասած՝ մեզ հարկաւոր են օրէնքներ ոչ թէ յանցանքների դէմ, այլ մի յատուկ օրէնք խելագարութեան դէմ: Ահա ուր է իսկական չարիքը:

ՄԻՋՆԱԴԱՐԵԱՆ ՎԵՊ

I

ԳԱՂՏԵՒՔԻ ԲԱՆԱԼԻՆ

Գիշեր էր: Մեծ վաղեմի աւատական ամրոցում խաղաղութիւն էր տիրում: Վերջանում էր 1222 թ.: Ամրոցի ամենաբարձր աշտարակներից մէկի ծայրում միայնակ մի լոյս էր վառւում: Այդտեղ այդ պահուն կատարւում էր ընտանեկան գաղտնի մի խորհուրդ: Խտաբարոյ հին բարոն Կլիւզենշտայնը նստած էր բազկաթռուի վերայ, խորասուզւած մտածմունքների մէջ: Յանկարծ նա քնքոյշ ձայնով ասաց.

— Սիրելի աղջիկս:

Մի ազնիւ կերպարանքով երիտասարդ, որ հագած էր տոնից մինչև գլուխ ասպետական զգեստ, պատասխանեց.

— Ի՞նչ է, հայրիկ:

— Սիրելի աղջիկս, հասել է ժամը, որ ես պէտք է բանամ այն գաղտնիքը, որ վրդովել է քո մատաղ կեանքը: Թող յայտնի լինի քեզ, որ այդ գաղտնիքի արմատը գտնւում է այն հանգամանքներում, որոնք

ես քեզ այժմ կը բացատրեմ: Իմ Ուլրիխ եղբայրս Բրանդենբուրգեան դուքսն է: Իմ հայրը մահաւան կողմում կտակեց, որ եթէ Ուլրիխը որդի չունենայ, թագաւորական գահը պէտք է անցնի իմ սերունդիս՝ այն ենթադրութեամբ, որ ես որդի կ'ունենամ: Իսկ եթէ մեզնից ոչ մէկը որդի չի ունենալ, այլ միայն աղջիկներ, գահը կը մնայ Ուլրիխի աղջկանը՝ եթէ միայն նա անբիծ բարոյականութեան տէր լինի: Հակառակ դէպքում՝ պէտք է ժառանգի իմ աղջիկը, եթէ նոյնպէս անարատ անուն պահպանի: Ուստի ես և իմ պառաւ կինս ջերմեռանդ սրտով շատ ենք աղօթել, որ Ամենակարողը պարգևի մեզ արու գաւակ: Բայց մեր աղօթքները չը լաւեցին: Մնեցիր դու մեզ զաւակ: Ես յուսահատուած էի. ես տեսնում էի, որ թանդագին գանձը իմ ձեռքից դուրս է գալիս, դիւթական ցնորքը իբրև մի ծուխ կորչում է: Իսկ ես ինչպէ՛ս մեծ յոյսեր ունէի: Ուլրիխ եղբայրս հինգ տարի վայելել էր ամուսնական կեանք, բայց դեռ չէր ունեցել իւր կնոջից ո՛չ արու և ո՛չ էգ ժառանգ:

«Սակայն ես շուտով հաշտեցի, որ դեռ բոլորը կորած չէ: Իմ գլխում ծագեց հետեւեալ փրկակար ծրագիրը: Գու ծնեցիր կէս զիշերին: Միայն բժիշկը, դայեակը և վեց աղախիները գիտէին քո սեռը: Մի ժամ էլ չանցաւ, որ ես նոցա բոլորին էլ կախել տւի: Հետեւեալ առաւօտը բոլոր բարոնները իմանալով, որ ինձ որդի է ծնւել, որ պէտք է ժառանգ դառնայ

Բրանդենբուրգեան դքսութեան, ուրախութիւնից խելքները կորցնում էին: Գաղտնիքը պահուում էր շատ խիստ կերպով: Քո մօրաքոյրը դարձաւ քո զայեակը և այնուհետև այլ ևս ոչինչ վախենալու տեղիք չունէինք:

«Երբ որ քո ինն տարին լրացաւ, Ուլրիխին էլ աղջիկ ծնւեց: Մենք տրամեցինք և թէև սկսեցինք մեզ մխիթարել նորանով, որ կարմրուկը, ծաղիկը, բժիշկները և ուրիշ մանկասպան աղէտները իրանց անելիքը կանեն, բայց միշտ էլ յուսախաբւում էինք: Աղջիկը ապրում էր և մեծանում կարգին... Բայց ի՞նչ ենք շատ հոգս անում: Մի՞թէ դու մեր որդիին չես. մի՞թէ մեր սիրելի Կոնրադը չէ ապագայ դուքսը: Քեզ՝ չը նայելով, որ քսանեութ տարեկան աղջիկ ես, սիրելիս, երբէք ուրիշ անուն չենք տւել, այլ միայն Կոնրադ:

Այժմ հասել է այնպիսի ժամանակ, որ եղբայրս ուժասպառ է դառնում և իրան թող է զգում: Պետական հոգսերը նորան չափազանց յոգնեցնում են, ուստի նա ցանկանում է, որ դու զնաս նորա մօտ և իրապէս դառնաս դուքս, թէկուզ այդ անունը դեռ ստացած չը լինես: Ծառաներ քեզ համար պատրաստ են. հէնց այսօր երեկոյեան ձանապարհ ընկի՛ր:

Բայց լաւ լսիր ասածներս և մտքումդ պահիր իւրաքանչիւր խօսքս: Մեզանում մի օրէնք կայ, որ նոյնքան հին է, որքան ինքը Գերմանիան, որ եթէ մի որ և է կին բազմի դուքսական գահի վերայ, թէ-

կուզ մի փայրկեան, նախ՝ քան հրապարակապէս օծելիլը ժողովրդի առաջ — նա ենթարկուեմ է մահւան պատժի: Զը մոռանաս այս նախազգուշութիւնը: Մի՛ դուրս գալ խոհեմութեան սահմաններից, քո վճիռները յայանիր նախարարական աթոռից, որ գտնուեմ է գահի ստորոտում: Այդպէս եղի՛ր մինչև օծելից և բուրովին ապահովանալու: Թէև դժւար հաւատալի է, որ երբ և իցէ քո սեռը իմացելի, բայց և այնպէս պէտք է իմաստնաբար վարեալ այս խաբուսիկ և խորամանկ կեանքում, զգոյշ տանելով գործերդ:

— Ո՛հ հայր: Մի՞թէ այդ պատճառով իմ կեանքը եղել է մի խարդախութիւն: Մի՞թէ կեանքիս միակ կոչումն է եղել իմ քրոջը նորա բարձր իրաւունքներից զրկել: Խնայի՛ր ինձ, հա՛յր, խնայի՛ր քո հարազատ զաւակին:

— Ի՞նչ, չարածճի: Իմ քեզ թագ տալու փոխարէն՝ ա՛յդ ես ինձ պարզե ապիս: Հօրս գերեզմանով երդուեմ եմ, որ քո արտասուքը իմ ուրախութեան սազ չի գալիս: Իսկոյն ճանապարհ ընկիր դուքսի մօտ գնալու և Աստուած մի արասցէ իմ նախազիծներիս դու դէմ գնաս:

Բայց, ընթերցող, վերջ տանք այս բացատրութիւններին: Բաւական է ասեմ, որ ազնիւ և համակրելի օրիորդի ոչ աղաչանքը, ոչ համոզելը և ոչ արտասուքը մի լաւ հետեւանքի չը հասցրին: Ոչ մի բան աշխարհքումս չէր կարող տեղից շարժել յամառ ծեր բարոն Կլիւզենշտայնին: Ի՞նչ անէր աղջիկը՝

Տրտում սրտով՝ նա դուրս եկաւ ամրոցի դռներից, մութ զիշերով, շրջապատուած զինւած իշխանների ասպետական գնդով և ծառաների մի փայլուն խմբով:

Աղջկայ գնալուց յետոյ՝ ծեր բարոնը նստել էր լուռ մի քանի ժամանակ և յետոյ դարձաւ իւր կնոջը հետևեալ խօսքերով՝

— Հանգամանքները մեզ համար լաւ են չարմարւում: Ահա արդէն երեք ամիս է անցել այն օրից, որ ուղարկել եմ ճարպիկ և գեղեցկադէմ կոմս Դեցինին իմ եղբօրս աղջկայ մօտ, Կոնստանդիայի մօտ, մի երկիւղալի յանձնարարութիւնով: Եթէ նորա գործը չը յաջողուի, մեր բանը շատ էլ լաւ չի լինիլ: Իսկ եթէ յաջողուի, այն ժամանակ ոչ մի ոյժ չի կարող այլ ևս արգելք լինել, որ մեր աղջիկը դքսուհի ճանաչուի, եթէ մինչև անգամ չար բաղդը նորան վճռած լինէր երբէք դուքս չը լինելու:

— Իմ սիրտը, նկատեց կինը, մուսլ նախազգացումներից սաստիկ նեղանում է... բայց դեռ կարող է լաւ լինել:

— Դէհ, հոգս մի անիլ, սիրելի ամուսինս: Թող ազուաւները, ինչքան ուզում են, այժմ կրկւան: Գնանք քնելու և երազելու Բրանդենբուրգի և մեր ապագայ մեծութեան մասին:

II

ՅՆԾՈՒԹԻՒՆ ԵՒ ԱՐՏԱՍՈՒՆՔՆԵՐ

Նախորդ գլխում պատմած դէպքից վեց օր յետոյ՝ Բրանդենբուրգի տէրութեան փառաւոր մայրաքաղաքը փալցում էր ռազմական շքեղութիւնով և թնդում էր հաւատարիմ ժողովրդի ուրախ աղաղակներէից: Քաղաքը և ժողովուրդը սօնուժ էին երիտասարդ Կոնրադի, իբրև թագաժառանգի, գալուստը:

Ծերունի դուքսի սիրտը լքեւած էր ցնծութեան զգացմունքով, որովհետև Կոնրադի գեղեցիկ դէմքը և նուրբ շարժողութիւնները առաջին անգամից իսկ գրաւեցին ծերունու սիրտը:

Պալատի ընդարձակ դահլիճներում խոնւած էին պալատականները և զմայլւած ողջունում էին Կոնրադին: Բոլոր շրջապատողներից բուրում էր մի այնպիսի ուրախութիւն և երջանկութիւն, որ Կոնրադի տրամուլթիւնը և երկիւղները փարատեցին և անվրդով բաւականութեան զգացմունքի փոխեցին:

Բայց պալատի հետու օթեաններից մէկում տեղի ունէր մի բոլորովին ուրիշ տեսարան: Լուսամուտի մօտ կանգնած էր դուքսի միակ աղջիկը, դքսուհի Կոնստանցիան: Նորա աչքերը կարմրած էին և ուռած և աղի արտասուէք էին թափում: Օրիորդը միայնակ էր: Յանկարծ նա սկսեց հեկեկալ և բարձրաձայն արտասանեց՝

— Խարդախ Նեցի՛ն. նա ինձ խաբեց. փախաւ և հրաժարեց դքսութեան տիրոջուց: Առաջ ես չէի հաւատում նորա գնալուն. բայց այժմ, աւաղ, կասկածել անկարելի է: Օ՛հ, իսկ ես ինչպէս սաստիկ, ինչպէս խելագար կերպով, նորան սիրում էի: Ես սիրոս նորան աւի, թէև հաստատ զիտէի, որ իմ հայրը, դուքսը, երբէք համաձայն չի լինիլ՝ ինձ մարդու տալ նորան: Այո, ես նորան սիրում էի. իսկ այժմ... այժմ ատում եմ: Այո՛, ատում եմ հոգուս խորքից: Ո՛հ, Տէր Աստուած, ի՞նչ պէտք է լինի իմ վիճակը: Ես կորայ, անդարձ կորայ: Ես կը խելագարեմ:

III

ԳՈՐԾԸ ԲԱՐԳԻՈՒՄ Է

Անցան մի քանի ամիսներ: Բոլոր հպատակները միաձայն գովում էին երիտասարդ Կոնրադի կառավարչութեան ընդունակութիւնը և փառաբանում էին նորա գատավարական իմաստութիւնը, նորա զթառատ վճիռները և այն մեծ համեստութիւնը, որ նա ցոյց էր տալիս իւր այդ բարձր զիրքում:

Ծերունի դուքսը շուտով յանձնեց նորան բոլոր գործերը և վերին խորհրդում նստում էր ինքը առանձնակի և հպարտ ինքնագոհութեամբ լսում էր, թէ ինչպէս է նորա ժառանգը առաջին նախարարի աթոռից գատավճիռներ կարդում դուքսի անունով:

Նա աբարզ էր, ի հարկէ, որ մի այդպիսի սիր-
ւած մարդ, ինչպէս Կոնրադն էր, որ փառաբանւած
էր ամենից և շրջապատւած էր անհամեմատ աւելի
մեծ յարգանքով, քան միւս մեծամեծները, — պէտք
է իրան երջանիկ զգար: Բայց — զարմանալի բան —
նա երջանկութիւն չէր իմանում: Եւ զիտէք ինչո՞ւ:
Որովհետեւ նա նկատեց, որ դքսուհի Կոնստանցիան
սկսել էր նորա վերայ սիրահարուել: Բոլոր մնացած
աշխարհի սէրը նորա համար ուրախութիւն էր, իսկ
սա — միայն վտանգ էր սպառնում: Բացի այդ՝ նա
նկատեց, որ ծերունի դուքսն էլ արդէն զուշակել է
իւր աղջկայ զգացմունքները և արդէն մտածում էր
ամուսնացնելու մասին: Կոնստանցիայի տխրութիւնը
օրեցօր նւազում էր, նորա աչքերում սկսում է
ջուր և վերակենդանութիւնը ցոլալ աւելի և աւելի
և նորա վաղուց ժպիտը կորցրած շրթունքներում
սկսում էր խաղալ ուրախութիւնը:

Կոնրադը զլուխը կորցրեց: Նա անիծում էր
իրան, թէ ինչու նա անձնատուր լինելով իւր բնա-
կան հակումներին, սկսեց մօտենալ իւր սեռակից
անձին: Նա ցանկացել էր այդ ընկերութեան մէջ իւր
տխուր, տաղտկալի ժամերը մոռանալ. բայց անսպա-
սելի վտանգ առաջացաւ դորանից:

Այժմ նա սկսեց իրան հեռու պահել իւր հօ-
բեղբոր աղջկանից: Բայց այդ հանգամանքը աւելի
վատացրեց բանը, որովհետեւ, որչափ նա հեռու էր
փախչում, այնքան աւելի Կոնստանցիան նորան աշ-

խատում էր հանդիպել: Առաջ Կոնրադը զարմա-
նում էր այդ բանի վերայ, բայց յետոյ սկսեց վրդով-
մունքի մէջ ընկնել: Աղջիկը նորան կատարելապէս
հալածում էր, նորան հեռուում էր, աշխատում էր
նորա մօտը լինել ամեն ժամ և ամենուրեք, օր ու
գիշեր: Բայց աղջիկը աւելի էր անհանգիստ, քան
կարելի էր կարծել: Մի գաղտնիք կար, որ դեռ ոչ
ոքի յայտնի չէր:

Այսպիսի յարաբերութիւններ երկայն շարունակ-
ւել չէին կարող: Բոլոր շրջապատողները նկատում էին
և միմեանց ականջին քշփում էին: Մերունի դուքսը
սկսեց անհանգստանալ: Խեղճ Կոնրադը երկիւղից
իրան կորցրել էր և մի սուէրի էր նմանում:

Մի անգամ, երբ Կոնրադը դուրս էր գալիս իւր
սենեակից, որ գտնուում էր կից պատկերազարդ դահ-
լիճին, Կոնստանցիան նորան հանդիպեց և բռնելով
նորա ձեռքը, բացականչեց՝

— Անգութ, ինչո՞ւ էք դուք ինձնից փախչում:
Ես ինչ եմ ձեզ արել, կամ ասել, որ կորցրել եմ ձեր
նախկին բարեկամութիւնը, որ տնէիք դէպի ինձ:
Կոնրադ, ինձ միք ատի՛ւ, այլ խղճացէք իմ տան-
ջած սիրոս: Ես քեզ սիրում եմ, Կոնրադ: Այժմ ու-
զում ես՝ ինձ ատիր, բայց իմ խօսքը արդէն ասել
է, իմ բերանից թո՞ւ է:

Բայց Կոնրադը մնաց համր, ինչպէս մի փայտ:
Կոնստանցիան մի րոպէ տատանմունքի մէջ կանգնած
նայում էր, յետոյ իւր կերպ բացատրելով Կոնրադի

լուսթիւնը, յանկարծ փայլեց վայրենի ուրախութիւնով և փարելով Կոնրադի վզին, ասաց՝

— Դու համաձայն ես, դու հաւանում ես: Դու կարող ես ինձ սիրել, դու ինձ սիրելու ես: Ա՛խ, ասա, դու ի՞նչ ես լինելու, ի՞նչ, սիրելի Կոնրադ:

Կոնրադը մի ծանր հոգոց հանեց: Նորա երեսը հիւանդոտ գունատութիւն ստացաւ և նա սկսեց դողալ, ինչպէս աշնան ծառի տերև: Վերջապէս, յուսահատ կերպով մերժեց խեղճ աղջկան հետևեալ խօսքերով.

— Դուք չը դիտէք, ինչ էք պահանջում: Դա երբէք, երբէք կարելի բան չէ...

— Եւ ինքը փախաւ, ինչպէս մի յանցաւոր, թողնելով դքսուհուն մեծ զարմանքի մէջ: Մի բոպէ անցած Կոնստանցիան սկսեց լալ և հեկեկալ իւր եղած տեղում. իսկ Կոնրադը նոյնը անում էր իւր սենեակում: Երկուսն էլ յուսահատուած էին: Երկուսն էլ տեսնում էին, որ շուտով գաղտնիքները բացւելու են վտանգաւոր կերպով:

Կոնստանցիան փոքր առ փոքր ուշքի եկաւ, զրսուեց և ինքն իրան այս մտածմունքներին եկաւ:

— Ի՞նչպէս ես դիմանամ, երբ տեսնում եմ, որ այն բոպէին, երբ ես կարծում էի, թէ իմ սէրը հալեցրել է նորա սառցապատ սիրտը, նա արհամարհում է իմ զգացմունքը: Ես նորան ատում եմ: Նա ինձ դէն հրեց: Նա, սիրածը, դէնը շարտեց ինձ, ինչպէս ոտքով քշում են շանը:

IV

ՃԱԿԱՏԱԳՐԱԿԱՆ ԼՈՒՐ

Ժամանակը անցնում էր: Բարի դուքսը կրկին վշտերի մէջ ընկաւ: Կոնստանցիային և Կոնրադին այլ ևս միասին տեսնող չէր լինում: Դուքսը մտատանջւում էր:

Ամենակարող ժամանակը կամաց-կամաց վերադարձրեց Կոնրադին նորա թշրի կարմրութիւնը, նորա հայեացքի զւարթութիւնը և նա շարունակում էր զեկավարել բարձր կառավարութեան գործերը լուսաւոր, անդադար ամրացող խելքով:

Յանկարծ մի օտարոտի քչփչոց սկսեց տարածւել պալատից դուրս: Նա քանի գնում էր մեծանում էր և բարձրաձայն դառնում: Քաղաքի բամբաստէրները արդէն էլ ձեռք չէին քաշում և ասէկոսէներին մեկնութիւններ էին տալիս: Լուրը ծայրէ ի ծայր անցաւ բոլոր դքսութիւնը: Իսկ լուրը ահա ինչ էր.

«Դքսուհի Կոնստանցիան երեխայ է ծնելու:

Երբ որ Կոնրադի հայրը, բարոն Կլիւզենշտայնը իմացաւ այս լուրը, նա երեք անգամ շարժեց իւր փետրազարդ սաղաւարթը և բացականչեց:

— Կեցցէ դուքս Կոնրադը: Այսուհետև թագը նորա վերայ ապահովւած է: Դեցինը—ապրի. նա իւր յանձնարարութիւնը լաւ կատարեց և թշաւս կանը արժանի է իւր վարձատրութեան:

Եւ նա տարածեց այս լուրը ամեն կողմ: Եւ քառասունութ ժամից յետոյ նորա կալածների բոլոր ժողովուրդը պարում էր և երգում և, ի պատիւ այդ մեծ գործի, կազմեց ճրագալոյց... այդ բոլորը գոռոզ և երջանիկ բարոն Կլուզենշտայնի հաշուով:

V

ՍԱՐՍԱՓԵԼԻ ԱՂԷՏ

Պէտք է մեծ դատաստան լինէր: Բրանդենբուրգի բոլոր իշխանները և բարոնները ժողոված էին դուքսի պալատի դատաստանական ատեանը: Բոլոր տեղերը, որտեղ կարելի էր նստել կամ կանգնել, բռնած էին:

Կոնրադը—հազած բոտրագոյն ծիրանին սպիտակ աքիտորթ շրջանակով—նստած էր աւագ նախարարի աթոռի վերայ, իսկ նորա երկու կողմից տեղաւորել էին պետութեան ծայրագոյն դատաւորները:

Ծերունի դուքսը խիստ հրամայել էր, որ իւր աղջկայ դատաստանը կատարելի առանց կողմնապահութեան, իսկ ինքը՝ սրտի վշտից անկողին պառկեց: Նորա օրերը հաշած էին: Խեղճ Կոնրադը շատ խնդրեց, որ նորան ազատեն մի այնպիսի դատաստանից, որտեղ պէտք է քննել նորա հօրեղբօր աղջկայ յանցանքը. բայց նորա աղաչանքը իզուր անցաւ:

Այդ բոլոր բազմամարդ ամբօխի մէջ ամենավշտալի սիրտը—Կոնրադինն էր. իսկ ամենատրախը—

նորա հօրը: Հայրը՝ աղջկանից գաղանի՝ եկել էր կանգնել և սպասում էր իւր տան վիճակեւած ուրախութիւնը տեսնելու:

Երբ հարկաւոր յայտարարութիւնը արին և բոլոր պահանջող ձեւականութիւնները կատարեցին, դատաստանի մեծ նախագահը արտասանեց.

—Յանցաւոր, ոտքի կանգնի՛ր:

Իժբաղդ դքսուհին վերկացաւ և կանգնեց առանց քողի ահագին ամբօխի առաջ: Նախագահը շարունակեց.

—Օգոստափառ դքսուհի, մեր տէրութեան մեծ դատաւորների առաջ յայտարարած է և ապացուցւած, որ ձեր բարձրութիւնը ամուսնական սուրբ կապից դուրս երեսայ էք ծնել, որի համար մեր երկրի հին օրէնքը սահմանել է մահաւան պատիժ, եթէ միայն նորին բարձրութիւնը, մեզ կառավարող դուքսը և հրամայող բարի Կոնրադը չեն ներիւնդեզ բարձրագոյն վճռով: Յանձնեցէ՛ք ձեզ նորա զթասըրտութեան:

Կոնրադը դողալով մեկնեց գաւազանը: Այդ վայրկեանին նորա կանացի սիրտը լքցւեց կարեկցութիւնով դէպի շարաբաղդ յանցաւորը և նորա աչքերում երևացին արտասուներներ: Նա արդէն ուզում էր բերանը բանալ և խօսել, երբ դատաստանի նախագահը շտապով յայտնեց նորան.

—Ոչ այստեղ, ոչ այստեղ, ձերդ բարձրութիւն: Օրէնքը պահանջում է, որ դքսի տան անդամները

դատալծիւ կարգալը, ում և վերաբերելիս լինի, կատարեն գահի բարձրութիւնից:

Սարսափը պատեց խեղճ Կոնրաղի սիրտը — և նորա հօր երկաթեայ մարմնով անցաւ մի սարսուռ: Եւ ահա ինչու:

Կոնրաղը չէր թագադրւած: Այդ վարմունքով նա ուրեմն պէտք է խայտառակէր գահը: Նա տատանուում էր և երկիւղից գունատուում: Բայց պէտք էր ծիսակատարութիւնը պահպանել: Կոնրաղի վերայ էին դարձրած շրջապատողների զարմացած հայեացքները: Եթէ նա շարունակի տատանել՝ այդ հայեացքները կասկածաւոր կը դառնան: Նա բարձրացաւ գահի վերայ. առաջ մեկնեց իւր գաւազանը և արտասանեց.

— Յանցաւոր: Մեր օգոստոսիառ Տէր, Ուլրիխի, Բրանդենբուրգեան զուքսի անունով՝ ես կատարում եմ ինձ վերայ դրւած բարձր պարտականութիւնը: Ուշադրութեամբ լսեցէ՛ք իմ խօսքերը: Մեր հայրենիքի հին օրէնքով, եթէ դուք կը թագցնէք ձեր յանցանքի գործակցին և չէք չայտնիլ դատաստանին, դուք անխուսափելի կերպով կ'ենթարկէք մահուան պատժի: Զիջեցէ՛ք այս սպառնալիքին և ազատեցէ՛ք ձեզ քանի ուշ չէ: Յայտնեցէք ձեր երեխայի հօր անունը:

Քոյր ժողովականներին աիրեց մի այնպիսի խոր լռութիւն, որ կարելի էր կարծես սրտերի բաբախումը լսել: Այդ ժամանակ դքսուհին հանդարտ շարժեց իւր աչքերը ատելութիւնով, և մատը ուղղելով դէպի Կոնրաղը, ասաց:

— Ահա այս մարդն է:

Կոնրաղին սպառնացող սարսափելի վտանգը, որի դէմ առնելու համար նա միջոց և յոյս չուներ, նորա վերայ այնպէս մի սառն զող բերաւ, որ կարծես մահուան պաղութիւնն էր:

Ի՞նչ երկրային ոյժ կարող է այժմ նորան փրկել:

Մեղադրանքը հերքելու համար, նա պէտք է իրան մատնի, որ նա կին է. իսկ չը թագադրւած կնոջ, որ յանդգնել է բարձրանալ դքսական գահը — սպասում է պատիժ: Մի վայրկեանում Կոնրաղը և նորա կատաղի ծեր հայրը ուշքից գնացին և գետնին զարկեցին:

Այս սարսափելի, խճճւած վէպի վերջը չի կարելի գտնել ո՛չ այս, ո՛չ մի որ և է ուրիշ գրքում, ո՛չ այժմ, ո՛չ երբ և իցէ ապագայում:

Բանն այն է, որ ես իմ հերոսիս (կամ հերոսուհուս) դրել եմ մի այնպիսի բացառիկ կամ անել զրութեան մէջ, որ էլ չը գիտեմ թէ ինչպէս կարող եմ նորան հանել այդ դժւարութիւններից, և ուստի գերադասում եմ ձեռքերս լւանալ այս գործում և թողնել զոհին (այսինքն հերոսիս, կամ հերոսուհուս), որ նա ինքը դուրս պրծնի, կամ մնաց էլի այնտեղ, ինչպէս ինքը կը ցանկանայ: Ի հարկէ՝ սկզբում ես կարծում էի թէ այս փոքրիկ դժւարութիւնը ես հեշտ կը յաղթեմ. բայց բանը ուրիշ կերպ դուրս եկաւ:

ներու թիւնից ու բազմաշխատ հետախուզութիւններ
ից յետոյ իրագործեցի մտադրութիւնս:

Այժմ կաշխատեմ ներկայացնել ձեզ իմ աշխա-
տանքի հետեւանքները, զետեղելով առանձին-առան-
ձին առակները և աւելացնելով նորանց այն շարու-
նակութիւնները, որոնք՝ իմ հետազօտութիւններից
յետոյ՝ ես գտել եմ պատշաճաւոր:

I

ԵՐԱՆՍՍՊԷՏ ՇՈՒՆԸ

Մի անգամ, մի բարեսիրտ բժիշկ (որ բարոյա-
գիտական գրքերի սիրահար էր) տեսաւ փողոցում
թափառող մի շուն՝ տանջւելիս կտորած ոտի ցաւից:
Բժիշկը տարաւ խղճալի արարածին իւր տունը,
զրստեց ու կապեց նորա ցաւած ոտը և կրկին ար-
ձակեց փողոց:

Բժիշկը համարեա մոռացել էր իւր արած բա-
րերարութեան մասին, երբ մի քանի օրից յետոյ,
առաւօտեան, դաւ թի դուռը բացելուց՝ տեսաւ շնոր-
հակալ շանը՝ կանգնած մի ուրիշ թափառական շան
հետ, որի ոտը նոյնպէս կտորած էր մի ինչ որ պատ-
ճառից: Բարեսիրտ բժիշկը իսկոյն օգնեց խեղճ կեն-
դանուն, ըստ որում հիացաւ նախախնամութեան ան-
հասազգեցութեան վերայ, որով երախտագիտութեան
շնորհքը արտափայլում է մինչև անգամ մի շնչին
շան մէջ...

ԽՐԱՏԱԿԱՆ ՄԻ ՏԵՍԱԿ ԱՌԱԿՆԵՐԻ ՄԱՍԻՆ

Մանկութիւնիցս սկսած՝ ես սիրում էի կարգալ
մի տեսակ խրատական առակներ, որոնց մէջ գտնում
էի սրտիս համար բաւականութիւն և որոնցից քա-
ղում էի կեանքի համար օրինակներ:

Այդ առակները միշտ ձեռաց էի պահում և
ամեն անգամ, երբ վատ մտքեր էին իմ մէջ յղա-
նում իմ մի որ և է մերձաւորի նկատմամբ, ես նո-
րանց էի դիմում և նոքա քշում, ցրում էին չանցա-
ւոր մտածողութիւնս: Երբ ես զգում էի ինձ եսա-
սէր, ժլատ և անազնիւ, դիմում էի կրկին առակնե-
րին, և նոքա նորից հաղորդում էին ինձ վեհ արա-
մադրութիւն:

Բայց շատ անգամ իմ մէջ ցանկութիւն է երե-
ւացել, որ այդ արիւնահեղ առակները չը կտրւեն
բարեցաջող տեղում, այլ շարունակած լինեն մինչև
վերջ բարերարութեան ամբողջ պատմութիւնը բոլոր
հետեւանքներով: Այդ ցանկութիւնը ժամանակով այն-
քան մեծացաւ իմ սրտում, որ վերջապէս վճռեցի՝
ես ինքս գտնեմ նոցա համար շարունակութիւններ:
Ես եռանդով սկսեցի գործը առաջ տանել և մեծ

Մարտ-նահա-թիւն

Միւս օր առաւօտեան բժիշկը տեսաւ իւր դռան առաջ երկու առողջ, շնորհակալ դէմքով, շներ և նոցա հետ դարձեալ երկու կաղ շներ: Բժիշկը սորանց ևս օգնեց և չորս շները գնացին իրանց ճանապարհը՝ թողնելով բժշկին հիացած և հոգեզմայլ դրութեան մէջ: Հետեւեալ առաւօտը բժշկի դրանը կանգնած էին չորս առողջացած շները և նոցա հետ կրկին մի չորս հիւանդներ, որոնց վերայ բժիշկը դրեց նոյն խնամքը: Միւս առաւօտը բժշկի դրանը հաւաքւել էին արդէն տասնևվեց շուն, որոնցից կէսը նոր կաղացածներ էին: Բժիշկը մինչև կէսօր հազիւ կարողացաւ բոլորի ոտներն էլ ուղղել. բաց նորա հոգեզմայլ տրամադրութեանը սկսեց խստուհել մի տեսակ ծանրութիւն: Հետեւեալ առաւօտեան արեգակը ծագեց՝ լուսաւորելու բժշկի դրան առաջ արդէն երեսներկու շան, որոնցից տասնևվեցը նոր կաղացածներ էին: Սոքա բռնել էին բոլոր մալթը և փողոցի կէս լայնքը, իսկ հետաքրքիր ամբոխը նայում էր այդ տեսարանին:

Կաղ շների ոռնոցը, բժշկւածների ուրախ ձիւրը, դատարկապորանների ասեկոսէները տալիս էին տեսարանին մեծութիւն և վեհութիւն: Փողոցում անցուդարձը դադարել էր:

Բարեգործ բժիշկը հրաւիրեց իւր հաշուով մի քանի ոսկոր գձողներ օգնութեան և հազիւ կարողացաւ մինչև մութն ընկնելը վերջացնել իւր բարի գործը:

Բայց ամեն բան ունի իւր չափը, իւր սահմանը: Երբ լուսացաւ հետեւեալ առաւօտը և բարի բժիշկը՝ տեսաւ նորից հաւաքւած ցաւազար շների անվերջ շարքը, նա բացականչեց:

— Պէտք է վերջապէս խոստովանեմ, որ ինձ խաբել և յիմարացրել են բարոյախօսական գրքերը, որոնց մէջ ցոյց է տրւած ամեն բանի միայն երեսը և թագցրած է աստառը: Տուէ՛ք ինձ իմ հրացանը, չէ, շատ է վատացել դրութիւնս:

Ձեռքին բռնած հրացանը՝ նա դուրս վազեց շէմքը և յանկարծ պատահտբար կոխեց ամենաառաջին անգամ բժշկած շան ազին: Շունը իսկոյն բռնեց բժշկի ոտքից և խածեց: Շունը, որ հիացել էր իրան արած բարութիւնից, այնպէս մի ոգևորութիւն էր ստացել, որ սկսել էր ցնորքների մէջ ընկնել և վերջապէս կատաղել էր:

Մի ամսից յետոյ, երբ բարեգործ բժիշկը տանջւում էր ջրալախի արհաւիրքներից, նա ժողովեց իւր տրտում բարեկամներին և յայտնեց հետեւեալ կտակը.

— Զգոյշ կացէ՛ք բարոյախօսական գրքերից: Նոքա յայտնում են իրողութեան միայն կէսը: Երբ որ ձեզ դիմելու լինի փուչ-կենդանուն մէկը օգնութեան, իսկ դուք կասկածում լինէք ձեր արածի հետեւանքների մասին, զգուշացէ՛ք առաջւանից և ինքներդ սպանեցէք այդ տեսակ տաւարին:

Վերջացնելով այս խօսքերը, բարեգործը շուռեկաւ դէպի պատը և աւանդեց հոգին:

II

ԲԱՐԵԳՈՐԾ ՀԵՂԻՆԱԿԸ

Մի չբաւոր պատանի գրող շատ էր աշխատում տպել տալ իւր յօդւածները, բայց ի գուր. օրագիրները չէին ընդունում խեղճի գրւածները: Վերջապէս տանջւած զրկանքներից և քաղցածութիւնից, նա վճռեց պատմել իւր գրութեան մասին մի յայտնի հեղինակի և խնդրեց նորա հովանաւորութիւնը: Այս բարեհոգի մարդը իսկոյն թողեց իւր սեփական գործը և սկսեց թերթել պատանու յետ ստացած ձեռագիրները:

Վերջացնելով ընթերցանութիւնը՝ նա սեղմեց պատանու ձեռքը բարեկամաբար և ասաց.

— Զեր աշխատանքը առանց արժանաւորութիւնների չէ. եկէ՛ք ինձ մօտ երկուշաբթի օրը, բան ունեմ ասելու:

Երբ նշանակած օրը պատանին եկաւ, երևելի հեղինակը՝ ժպտոք բերանին, առանց մի խօսք ասելու, բացեց ամսագրի նոր հրատարակւած համարը և զրեց պատանու առջ: Պատանին, երբ տեսաւ իւր յօդւածը տպւած, հիացմունքից չը զիտեր, ինչ աներ:

— Ի՞նչով, ազադակեց նա, չօքելով և արտասւելով, ի՞նչով կարող եմ ես երբ և իցէ յայտնել ձեզ իմ անչափ շնորհակալութիւնը:

Այս դէպքը թող ուսուցանի մեզ ուշադիր լինելու նոր գրական ոյժերին, որոնք կարօտ են մեր օգնութեան:

Շարունակութիւն

Մի շաբաթից յետոյ պատանին նորից եկաւ յայտնի գրողի մօտ արդէն հինգ չընդունւած ձեռագիրներով: Բարի մարդը այս այցելութեան վերայ փոքր ինչ զարմացաւ, որովհետև բարոյախօսական զրքերից նա յիշում էր, որ նոր գրողը կարօտ է միայն առաջին օգնութեան: Սակայն նա նայեց և այս ձեռագիրները: Ձնջելով անպէտք ձուռմաբանութիւնները և հանելով միջից աւելորդաբանութիւններով լքցրած ամբողջ թերթեր, նա այնքան ուղղեց, որ ձեռագիրներից երկուսը կարելի եղաւ տպագրութեան տալու:

Անցաւ մի երկու շաբաթ և շնորհակալ պատանին եկաւ՝ նոր բեռ հետը: Յայտնի հեղինակը, երբ առաջին անգամ կարողացաւ օգնել նոր ասպարէզ մտնողին, զգաց իւր կատարած լաւ գործի քաղցրութիւնը և մինչև անգամ համեմատեց իրան բարոյախօսական գրքերում պատահող բարեգործների հետ. բայց այժմ սկսում էր նկատել, որ սա բարեգործութեան մի նոր, օտարտի դէպք է: Նորա ոգևորութիւնը կորաւ: Այսու ամենայնիւ նա չը կարողացաւ մերժել պատանուն, որ այնպէս միամիտ սրտով և հաւատով դիմել էր նորա հովանաւորութեան: Հետևանքը՝ վերջ ամենայնի՛ այն եղաւ,

որ երևելի հեղինակը տեսաւ իրան ծանրաբեռնուած նորափթիթ գրողի գրքերով: Նորա բոլոր ջանքերը շուտով աչքի անցնել երիտասարդ գրողի բոլոր արդիւնաբերութիւնը — ի զուր անցան:

Հովանաւորողը ստիպուած էր պատանուն ամեն օր խրատներ տալ, ուղղել, քաջալերել, միւսնոյն ժամանակը հոգալ, որ նորա գրւածները սպւեն, ուստի և կոկել նորա ձեռագիրները:

Երբ վերջապէս երիտասարդ գրողը հարթել էր իրան համար ճանապարհը, նա յանկարծ մեծ անուն ստացաւ, տպելով մի գիրք, ուր նկարագրուած էր երևելի հեղինակի տնային կեանքը: Այդ գրքով սակայն պատանին խոր խոցեց իւր հովանաւորողի սիրտը, որովհետև նա իւր նկարագրութեան մէջ գործ էր ածուած կծու ծաղր և հաղորդում էր ճշգրութեամբ չը պատմւելիք մանրամասնութիւնները: Գիրքը ունեցաւ մեծ յաջողութիւն և սաստիկ տարածւեց: Երևելի հեղինակը շատ տխրեց այս ամարդի վիրաւորանքից:

Մանր հառաչելով նա ասաց.

— Աւաղ, գրքերը ինձ խաբեցին, նոքա չեն հաղորդում բարոյագիտական դէպքերի մանրամասնութիւնները: Զգուշացէ՛ք, բարեկամս'րս, նոր հեղինակներից: Ով անյայտութիւնից չի կարողանում դուրս գալ, նորան օգնելով՝ դուք մի շարիք էք պատրաստում ձեզ համար:

III

ՇՆՈՐՀԱԿԱԼ ԱՄՈՒՍԻՆԸ

Մի անգամ տիկին Մակապոզէնը գնում էր կառքով իւր փոքրիկ որդու հետ միասին քաղաքի մեծ փողոցով: Յանկարծ ձիերը խրոնեցին, կատաղի վազեցին և կառավարին վայր զցեցին: Իսկ մայր ու որդին սարսափած մնացել էին կառքում:

Յանկարծ մի երիտասարդ սալլապան, տեսնելով այդ, թողեց իւր սալլը, ընկաւ համարձակութեամբ ձիերի առաջը և կանգնեցրեց նորանց: Շնորհակալ տիկինը նշանակեց սալլապանի թւահամարը և երբ տուն վերադարձաւ՝ պատմեց նորա քաջութեան մասին իւր ամուսնուն (որ ի դէպ ասել կարգում էր բարոյախօսական գրքեր):

Ամուսինը՝ լսելով պատմութիւնը՝ արտասուեց, փառք տւեց Ամենակալին, առանց որի կամքի մի ճնճղուկ անգամ չի ընկնում բունից, ուղարկեց քաջ սալլապանի ետեւից և տալով նորան հինգ հարիւր դոլլարի ստացական՝ ասաց.

— Առէ՛ք այս, պարոն Ֆերգիւսոն, իբրև վարձատրութիւն ձեր արած ազնիւ գործի համար և եթէ երբ և իցէ կարօտութիւն զգաք՝ քաջ իմացէք, որ ինձանում կը գտնէք երախտագէտ մի սիրտ:

Այս դէպքը մեզ սովորեցնում է, որ բարի գործը միշտ վարձատրում է նորա կատարողին, որչափ և աննշան լինէր սորա հասարակական դիրքը:

Շարունակութիւն

Մի շարաթից յետոյ եկաւ սայլապան Ֆերգիւսոնը և խնդրեց պարոն Մաքսպաղենից օգնելու նորան աւելի չարմար պաշտօն ստանալու, որովհետև նորան արժանի չէր, որ նա սայլեր տանել բերելով զբաղէր: Մաքսպաղենը աւելցնելով նորան զբազրի պաշտօն լաւ ուժիկով:

Շուտով Ֆերգիւսոնի մայրը հիւանդացաւ և Ֆերգիւսոնը... Արպէս զի չը ձանձրացնենք ընթերցողին, յայտնենք մի անգամից, որ պարոն Մաքսպաղենը համաձայնեց ընդունելու նորան իւր տունը: Մայրը անդափովսեց. բայց սկսեց շատ տխրել իւր փոքրիկ երեխաների կարօտից: Ուստի հարկաւոր եղաւ, որ փոքրիկ Մերին, Ջուլիան և չարածճի Զիմմին էլ տուն բերեն:

Այս Զիմմին ունէր մի զմելի, որը ձեռքին նա գնում է հիւրասենեակ և կտրատում է թանկազին: պաստառները և փչացնում կահ կարասիքը: Երկու օր էլ անցնելուց յետոյ յանկարծ ընկաւ սանդուխքից, վիզը կտրեց և մեռաւ: Քաղաքին հաւաքել էին մինչև տասնեօթ մարդ բարեկամներից: Սոքա բոլորը ծանօթացան տանտէրերի հետ և խնդրեցին տանը պաշտօններ, որ և վերջապէս ստացան:

Ֆերգիւսոնները ձեռքն առին ամբողջ տունը: Պառաւը յաճախ հարփում էր և այս ու այն կողմ յիշոցներ թափում: Բայց շնորհակալ Մաքսպաղենները իրանց պարաքն էին համարում նորան ուղղել, յիշելով նորա որդու արած բարերարութիւնը: Ֆերգիւ-

սոնը յաճախ տուն էր վազում, աշխատանք քիչ էր բերում ընտանիքին և խնդրում էր, որ իւր համար գտնէին աւելի հանգիստ և արդիւնաւէտ անգ, որ և յաջողեց ճարել Մակսպաղենի շնորհիւ: Բայց երբ եկաւ ամառուայ արձակուրդի ժամանակը՝ Ֆերգիւսոնը սկսեց յամառ կերպով պահանջել, որ նորան ուղարկեն Եւրոպա առողջութիւնը կազդուրելու համար: Մաքսպաղենը այդտեղ այլ ևս չը կարողացաւ համբերել, բողբոջեց այդ անկոչ բռնաւորի դէմ և վճռական կերպով մերժեց: Ֆերգիւսոնի մայրը այնպէս զարմացաւ, որ օղու շիշը վայր դրեց ձեռքիցը, իսկ նորա յիշոցախօս բերանը մի քանի րոպէ պապանձեց: Փոքր ինչ յետոյ՝ երբ ուշքը վերան եկաւ՝ պառաւը կատաղի կերպով գոռաց:

— Այդպէ՞ս է ձեր շնորհակալութիւնը: Իսկ մտածել էք արդեօ՞ք թէ որտեղ կը լինէին ձեր կիներ և որդին, եթէ իմ որդու օգնութիւնը չը լինէր:

Ֆերգիւսոնն էլ վերայ հասաւ միևնոյն նախատինքով:

— Այդպէ՞ս է ձեր երախտագիտութիւնը: Գուք մէկ ասացէ՛ք— ես ազատե՞լ եմ ձեր կնոջ կեանքը թէ ոչ:

Եօթն ազգականները վազեցին եկան խոհանոցից և մէկը միւսից առաջ ընկնելով՝ նախատեցին:

— Հը՛, այդպէ՞ս է եղել ուրեմն ձեր շնորհակալութիւնը:

Ֆերգիւսոնի քոյրերը զարմացական հայեացքով

սկսել էին նոյնպէս տրոնջալ և բերանները բացեցին նախատինք թափելու, բայց նոցա մայրը յանկարծ սկսեց լալ և բացականչեց:

— Մէկ մտածեցէ՛ք, որ մեր փոքրիկ Ջիմմին այս տանը կորցրեց իւր կեանքը:

Մաքսպաղենի զայրոյթը աւելի ևս սաստկացաւ և նա կատաղի կերպով գոռաց:

— Դուրս իմ տանիցը, մուրացկանների աղբ, դուրս: Ինձ խաբել էին զրքերը, բայց այսուհետև այդպէս բան այլ ևս չի կրկնուիլ. սա էլ բաւական է: Յետոյ՝ դիմելով Ֆերգիւսոնին՝ շեշտեց.

— Թէև չիրաւի դու ազատել ես կնոջս կեանքը, բայց ես կը սպանեմ տեղն ու տեղը ամեն մի անպիտանի, թէգուզ նա քեզանից էլ աւելին արած լինի:

Որովհետև ես քարոզիչ քահանայ չեմ. այդ պատճառով ներելի է, եթէ ես վերջումս եմ դնում վկայութիւնս՝ փոխանակ սկզբում բերելու: Ես նորան քաղում եմ «Նախագահ Լինկոլնի մասին չիղողութիւններ» գրքից:

«Հակետ դերասանը Փալատայի դերում հիացնում էր Լինկոլնին: Երևելի նախագահը, ինչպէս յայտնի է, սիրում էր ուրիշներին հաղորդել իւր համակրութեան զգացմունքները. ուստի և Հակետին նա գրել էր մի սիրալիր փոքր տոմս, որի մէջ արտայայտել էր նորան՝ խաղից ստացած բաւականու-

թեան զգացմունքը: Հակետը՝ ՚ի պատասխան այդ տոմսի՝ ուղարկում է մի գիրք՝ կարծեմ՝ իւր յօրինած: Յետոյ գրում է նախագահին մի քանի նամակներ: Մի անգամ, ես գնացել է նախագահի հրակերով Սպիտակ Տան պալատը: Նախագահի սենեակը գնալուց ես պատահեցի Հակետին՝ նստած ընդունարանում՝ սպասող դրութեան մէջ: Նախագահը հարցրեց.

— Ոչ ոք չը կա՞յ ընդունարանում:

Երբ ես դրական պատասխան տւի և յայտնեցի Հակետի մասին, Լինկոլնը վրդովւած ասաց.

— Ա՛խ, ես չեմ կարող, ես չեմ ցանկանում տեսնել այդ պարոնին: Ես կարծում էի, նա արդէն գնացել է:

Յետոյ աւելացրեց,

— Այս հանգամանքը բնորոշ կերպով ապացուցանում է այդ շրջանի մարդկանց հետ բարեկամութիւն հաստատելու անյարմարութիւնը: Դուք գիտէք, թէ որչափ ես յարգում էի Հակետի դերասանական տաղանդը և գիտէք իմ նորան համակրական տոմս գրելը: Նա ուղարկեց ինձ այս գիրքը և ես կարծում էի թէ դորանով ամեն բան վերջացաւ: Նա լաւ դերասան է և լաւ անուն ունի: Եւ կարելի էր ենթադրել, որ իմ և նորա մէջ սկսած բարեկամական քայլը ոչ մի ուրիշ հետևանք չէր ունենալ: Բայց ի՞նչ էք կարծում, ի՞նչ է նա ինձնից ցանկանում:

Ես չը կարողացայ գուշակել: Լինկոլնը շարունակեց.

— Նա ցանկանում է, մի խօսքով, ստանալ
դեսպանի պաշտօն Լոնդոնում: Տեսնո՞ւմ էք քաջին:


Վերջումը պէտք է յայտնեմ, որ Ֆերգիւսոնի
մասին պատմածս իսկական դէպք է, որին ես ահա-
նատես եմ եղել: Նա միայն փոքր ինչ փոխել եմ
այստեղ մանրամասնութիւնները, որպէս զի Ֆերգիւ-
սոնը չը ճանաչուի:

Իմ ընթերցողներից իւրաքանչիւրը իւր կեանքի
զդացւած և բարի տրամադրւած բողէներում՝ խա-
ղացած կը լինի անշուշտ բարեգործ հերոսի դեր: Նս
շատ կը ցանկայի գիտնալ, թէ նոցանից քանիսը
հաճութիւն կզգային պատմել իրանց հետ պատա-
հած դէպքերը բոլոր նոցա մանրամասնութիւններով
և հետևանքներով:

ԲՈՎԱՆԴԱԿՈՒԹԻՒՆ

	էրես
1. Ամուսինների վրդովմ. բկացաւ ի պատճառով.	5
2. Տիկին Ուիլեամսը և կայծակը.	18
3. Իմ առաջին զրականական փորձը.	32
4. Իմ ժամացոյցի արկածքները.	38
5. Փրկարար ձայնը.	46
6. Սափրիչների մասին.	59
7. Նոր քրէական մի բառ.	67
8. Միջնադարեան վէպ.	77
9. Խրատական մի տեսակ առաջնորդի մասին. .	92





Ա. ՆԱՄՍՈՒԵՍՆԻ

1) «ՀԱՐՆԻԱՆՆԵՐ»	3	Կող.
2) «ՄԻՆԱՍԻ ԵԶՐ»	4	»
3) «ԵԶՐԻ ԱԳՋԻԿԸ»	5	»
4) «ՆԻԱԶԻԱՆ ԿՅՍՆԻԸ»	3	»
5) «ԾԱՆԲ ՅԱՐԸ»	3	»
6) «ՄԵՐ ԻՆՁ ԿԸ ՊԱԿԱՍ»	3	»

ԳԻՆՆ Է 15 ԿՈՊ.

Վաճառուով է Թրիֆլիսի հայ դրամաձուանուցներով
և «Մուրճ»-ի խմբագրատանը:

1147

2013

